



07704



影舊鈔卷子

本文館詞林

古逸叢書之十五

遵義黎
氏校刊

本文館詞林

漫錄卷七

文館詞林卷第一百五十六

中書令太子賓客監修國史文館學士柱國高陽郡開國公臣許敬

李奉

四言

西晉歐陽建荅石崇贈一首

西晉摯虞荅伏仲武一首

西晉摯虞贈褚武良以尚書出為安東一首

西晉摯虞贈李叔龍以尚書郎遷建平太守一首

西晉鄭豐荅陸士龍四首

并序

西晉張翰贈張弋陽一首

西晉陸機荅賈謐一首

并序

贈顧令文為宜春令一首

贈武昌太守夏少明一首

西晉孫承贈陸士龍一首

西晉陸雲荅孫承一首

贈鄭曼季四首

并序

西晉張載贈司隸傅咸一首

四言

荅石崇贈一首

於鑠我舅明德塞違俾扞東藩在徐之邳載播其惠
載揚其威濟寬惟猛方夏以綏光啓先業增曜重暉
咨余沖人艱苦攸離過庭無聞頑固匪移寔賴慈誨

導之軌儀仰遵嘉詠俯蹈明規如葛斯蔓如椽之垂
旋機迴度逝者如流日与月与稔冉代周自我之曠
載履春秋瞻望遐路邈矣其悠心之云慕思結綢繆
人亦有言愛而勿勞淮渭河廣曾不容刀乃徂來邁
適此西郊在乾之二爰著茲爰我邁君子仰之矜高
巖々其高即之惟溫居盈思冲在貴忘尊縱酒嘉譙
自朋及昏無幽不折靡與不論人樂其量士感其敦
卷伏仲武一首

西晉摯虞

崇山栖鳳廣泉含螭洋々大府儁德攸宜用集羣英
參翼弘規皇暉增曜明兩作離其爰有伏生東夏之
秀威德如新畜智如舊雉材積藝待時而茂九德殊
塗道將焉就其邂逅之遇良願是適同閉比屋笑語
卒獲望宋謂近曾不咫尺一葦則杭矧茲隔辟其三既
近其室不遠其心齊此篤愛惠予好音金聲玉振文
豔旨深孰不歌詠被之瑟琴

贈褚武良以尚書出為安東一首

蕩々大晉奄有八荒畿服既寧守在四疆桓々褚侯
鎮彼遐方變文膺武々出龍驤其一武有七德衆鮮克
舉帝用是難洲咨既普雖有周親唯能是与大周之
吉歸美于褚其二褚侯之邁人望實大企彼江淮眇焉
如帶智名不彰勇功斯廢靡德而稱靡仁而賴其三濟
々百辟穆々皇朝雖則異事誰非同察出者眷之虞

者戀之情發於中用著斯詩

贈李叔龍以尚書郎遷建平太守一首

我有良朋時惟李生拊翼岐蜀鸞飛上京明試以功
聿駿有聲三載考績剖符建平一其惟彼建平居江之
瀨明々在上率下和會誰謂水深曾不浮芥誰謂曠
遠王道無外二其亦既受命作式南蕃樞機之發化流
夷蠻多見闕殆以慎介愆無自立辟而踰短垣三其龍
愛同泉鳳戀共林之子云往我勞矜深既有行李以
通其音南龜象齒實將云心

荅陸士龍四首

西晉鄭豐

鴛鴦羨賢也有賢者二人雙飛東嶽揚輝上京其兄
已顯登清朝而弟中暫婆娑衡門然其勞謙接士吐
捉待賢雖姬公之下白屋洙泗之養三千無以過也
乃肯垂顧惠我好音思与其遊道德之樂結永好之
懽云介

鴛鴦于飛在江之浹和音交暢拊翼雙起朝遊蘭池
夕宿蘭沚清風翕習扇彼蘭芭凌雲高厲載翔載止
其鴛鴦于飛載飛載吟有儻浚藪實惟桂林芳條高
茂華繁垂陰爰翔爰翔爰憇其南有馥其芬協我好
音二其鴛鴦于飛垂雲高翔有嚶其友戢翼未翔澹淡
素波容与趁倡雖曰戢止和音遠揚我有好爵与子
偕當三其鴛鴦于飛徘徊翩翩載頡頏載頡頏侶鳴群有

欝蘭臯洌彼清源駕言遊之聊樂我云思与佳人齊
懽順川四其鴛鴦于飛或矯或遊習々谷風扇彼清流
春草揚翹龜魚沈浮感物興想我心長憂誰謂河廣
增不容舟企予望之搔首踟躕五其鴛鴦于飛載和其
鳴懷尔好音寘我中情人亦有言心得遺刑探我木
瓜投尔瑤瓊匪繫曰報永好千齡六其

南山酬至德也君子在衡門脩道以養和弃物以存
神人思其化士懷其德或思置之列位或思從之信
宿詩人嘉与此賢當年相遇又屢獲德音情懽心至
故作是詩焉

陔彼南山言采其蕭樂只君子邦家之勳克茂厥猷

至道是收耽道以儉廣愛以周嗟我懷人永好千秋

一其適彼江潭言釣其鱖有羨碩人自公遐處羔裘道

遙輔德退舉白駒邈時俗事孰与思我猗人寘之音

序有客信宿獨寤寤語二其天高地卑玄黃烟煴人道

交泰自昔先人耽文合好輔德与仁管叔罕喬騰載

鮮鄰脩組絕結玄矢生塵咨我与子邁會當身琴瑟

在御永愛纏綿三其盤彼江深言泳其潭所謂伊人在

川之陰養和以泰樂道之潛錦衣尚絅至樂是耽興

言永思繫懷所欽愛而不見獨寤寤吟四其詩以言志

先人是經乃惠嘉訊德音惟馨欽詠繁藻永結中情

華文傷實俗士所營達人神化反之混冥交弃其數

言取其誠思与哲人獨寶其貞

其五

蘭林懽至好也有君子代濟其美英名光茂遭時暫
否畜德衡門願我殷勤屢辱德音思与結好以永不

刊

瞻彼蘭林有翹其秀有斐君子邦之碩茂厥德伊何
固天攸授如川之原如山之富回流清泉啓襟開袖
搢紳晞凡人用胥附其猗碩人如玉如金沃其明
哲克廣德心習凱風吹我棘林飛鴉萃止允懷好
音悠衎徒輶德鮮任嗟我猗人實味實耽其在昔
延州鵠鳴江涯今我陸子瞻代繼竒身垂千載德音
並馳漸鴻遵渚究其羽儀安得高風騰翻天池其飛

龍婉蜒山谷氣翳猛獸嘯吟清風高厲情同來感數
乖身逝夷鮑齊懽專名前代愷悌君子人之攸懋咨
予邁時千載同愛其垂隴之會匪詩不宜嗟我懷人
斯恩殷勤德音求訊有蔚其文擢儻兎匪迹不存
誠在心德愛法忘言其五

瞻彼中陵蕙猗頌允君子樂且有宜沈仁育物

玄聰鏡機德充闡庭名逸南畿祁俊又言酌言依

其鼓鐘于宮百里震聲壘令問歸我偉貞厥震伊

何駿奔以驚厥問伊何人肯以寧有鶴在陰非子誰

鳴我有好爵非子孰盈其潛龍道初有鳳戩翬王猷

未泰彛倫錯違皇問重管係尔啓扉庶績迫數非尔

爲綏翼、京宇尔瞻尔睇人之骨望如渴如飢其德
音来惠覆玩三周沈润泉洞逸藻雲浮結心所親曷
顯曷渝路隔河梁一葦限殊終朝之思三秋是喻愛
而不見興言跼蹐四

贈張弋陽一首

西晉張翰

時道玄曠階軌難尋散纓放冕負劍長吟昆弟等志
託茲幽林玄墨澄氣虛靜和心其惟我友愛纏綿往
昔易尚去俗携手林薄輕露給朝遺英飽夕逍遙水
日何求何求何索其潛光重陰抱悴如榮絕路既續
捨我遐行束帶皇城升降都城爰賴爰慕忡予中情
三負薪弗克耕者妨力鍾儀彈弦願瞻先職遺其綿

綿憂心惻惻乃抗乃拔釋我鏡邑四將逝命駕陟彼
郊圻和鸞搖響載驅載馳言告兮別言歸心怨辭苦
張高弦哀其楊柎可卷去在斯時流液可折豈云旋
歸行役必偕傷我長離借喻孤禽矜翼六翻栖其昔我
惟樂羣居多跼今我斯懷纏綿萬里人亦有兮或通
或否行矣免致我滅永已

答賈謐一首

并序

西晉陸機

余昔為太子洗馬魯公賈謐以散騎常侍、東宮積
年余出補吳王郎中令元康六年入為尚書郎魯公
贈詩一篇作此詩答之

伊昔有皇肇濟黎蒸先天創物景命是膺降及羣后

迭毀迭興邈矣終古崇替有徵其在漢之季皇綱幅
裂大辰匿暉金獸曜質雄臣騰驚義夫赴節釋位揮
戈言謀王室二其王室之亂靡邦不泯如彼墜景曾不
可振乃眷三哲俾乂斯人啓士綏難改物承天三其爰
茲有魏即宮天邑吳實龍飛劉亦岳立于戈載揚俎
豆載載人勞師興國玩凱入四其天厭霸德皇祈告豐
獄訟違魏謳歌適晉陳留歸蕃我皇登禪庸岷稽顙
三江改獻五其赫矣隆晉奄宅率土對揚天人有秩斯
祐惟公太宰光翼二祖誕育洪胄纂戎于魯六其東朝
既建淑問城々我求明德濟同以和魯公戾止衣服
委蛇思媚皇儲高步承華七其昔我遠茲時惟下僚及

子栖遲同林異條年殊志密服舛義稠遊跨三春情
固二秋八其祗承皇命出納無違往踐蕃朝來步紫微
舛降秘閣我服載暉孰云匪懼仰肅明威九其兮索則
易携手實難念昔良遊茲焉永歎公之云感貽此音
翰蔚彼高藻如玉如蘭十其惟漢有木曾不踰境惟南
有金萬邦作詠人之肯好指狂厲聖儀形在昔予聞
予命十一其

贈顧令文為宜春令一首

藹々芳林有集惟嶽壘々明哲在彼鴻族淪心渾無
遊精大樸播我微猷□彼振玉其彼玉之振光于厥
潛大明貞觀重泉匪深我有好爵相尔在陰翻飛名

都宰物于南_二其禮弊則偽撲散在華人之秉夷則是
惠和凌風興教非德伊何我友敬矣俾人作歌_三其交
道雖博好亦勤止比志同契惟予與子三川既曠江
亦永矣悠々我思託邁千里_四其吉甫之役清風既沈
非子之豔詩誰云尋我來自東貽其好音豈有桃李
惡子瓊琛將子無矧厲之翰林變彼靜女此惟我心
五其

贈武昌太守夏少明一首

穆：君子明德允迪拊翼負海翻飛上國天子命之
曾是在服西踰靖岡北臨河曲_一其尔政既均尔化既
溥舊汗孔脩德以振人雍々鳴鶴亦聞于天釋厥緇

衣爰集崇賢_二其羽儀既奮令問不已慶雲烟煜鴻漸
載起峨々紫闥侯戾侯止彤管有煒納言崇祉_三其既
考尔工將昨尔庸大君有命俾守于東允文允武威
靈以隆之子于邁介夫在戎_四其悠々武昌在江之隈
吳未喪師為蕃為畿惟此惠君人骨攸希弈々重光
照尔繡衣_五其人道靡常高會難期之子于遠曷云歸
哉心乎愛矣永言懷之瞻彼江介惟用作詩_六其

贈陸士龍一首

西晉孫承

五龍載號雲鳥慕紀淳化既離義風載始軒冕垂容
文教乃理弈_一洪族盛德豐祀_其於赫皇吳應天統
文丞相文烈公光讚勳九命皇耀茂德矜勤華黼龍

藻金石載振其美哉陸生丕顯洪胄亦崇懿風邈此

和裕無競厥德豐光伊茂交以義好施以仁富其山

積惟峻道隆名遐潛景在泉龍耀承華既淑尔儀誰

不允嘉有灌重泉載清其波其濟々皇朝莪々髦士

序爵以賢唯儁萃止翩翻二宮令問不已乃遷華閣

皇豐斯紀其思文大謨恢我王猷清風肆穆雅憲允

休邁彼江川邈此北流微言蘭馥玉藻雲浮其遭時

之險虐宰滔天憑德美重繫此儁人休否既亨名以

德宜清徽伊鏤鑽之矜其明々大象玄鑒照微顯

允君子求福不回善挹餘慶險以德祈澄濁以清罔

有不暉其釋彼短寄樂此窈冥形以神和思以情新

青雲可乘芳餌可捐達觀在一萬物自賔其制動以
靜秘景在陰靈根可栖樂此隈岑關捷重閑誰和子
音瞻彼晨風思託茂林其
荅孫承一首

邈矣上祖垂休萬葉廣問弘被崇軌峻躡高山克荒

大川利涉繁茲惟祐風連雲接其大人有作二后利

見九功敷奏七德殷薦鼎實重飪芳烈再扇弈葉弘

道天祿來宴其道弘振古祈來替今如彼在川亦有

浮沈大韶既系響比我音豈曰荒止塗弗剋尋其昌

風改物豐水易瀾百川總紀四海合源在彼焉取聿

來莫觀曾是褊心敢忘土園其貞暉偏照玄澤綵盈

發彼承華頰此增城託景靈雲倦遊戶庭匪曰能之
實忝長纓五其煥矣金獸襲我皇猷孰云匪彘仰媿倉
流往蹇來反弭迹一丘變彼東朝言即尔謀六其卓々
孫子洪族之紀志擬龍潛德配麟心弘義朗節克明
峻軌遵彼中臯於穆不已七其於穆不已大都是階之
子于命人應如類厚德時邁協風允諧惠此海湄俾
也可懷八其乃春林澤樂我河曲解綬投簪披褐懷王
遺情春臺託蔭寒木言念伊人温其在谷九其道俟人
行辭以義輯和容過表余未云執惠音高播清風駿

集懷德形愜臨篇景立十其

贈鄭曼季四首

并序

西晉陸雲

谷風懷思也君子在野愛而不見故作是詩言其懷
而思之也

習々谷風扇此暮春玄澤墜潤靈華烟氳高山熾景

喬木興繁潤波清涌芳澍增源感物興想念我懷人

其習々谷風載穆其音流芳鼓物清塵拂林霖雨嘉

播有揜淒陰歸鴻逝矣玄鳥來吟嗟我懷人其居樂

潛明發有想如結予心二其習々谷風以温以涼玄黃

交泰品物含章潛介泉躍飛鳥雲翔嗟我懷人在津

之梁明發有思凌波褰裳三其習々谷風有集惟喬嗟

我懷人於焉道遙鸞栖高岡耳想雲韶拊翼墜夕和

鳴興朝我之思之言懷其休四其習々谷風其音孔嘉

所謂伊人在谷之阿獸質山嘯龍輝泉播南有箕山
匪休其和有球天畢戢尔滂沱懿厥河漢耽彼大華
明發有懷我勞如何五其

南衡羨君子也言君子遜俗不悶以德存身作者思
其以德來仕又願言就之宿感白駒之義而作是詩
焉

南衡惟岳峻極昊蒼瞻彼江湘惟水泱泱清和有合
俊又以臧天保定尔茂以瑰光景秀濛汜穎逸扶桑
我之懷矣休音峻揚其穆休音有來肅雍沈波踊
與泉芳馥風僚虛養恬煦日遺蹤考盤遵渚思樂潛
寵我之懷矣寘尔華宮其二和璧在山荆林玉潤之子

于潛清輝遠振克稱輜德作實有晉和聲在林羽儀
未變我之懷矣有客來信其三風雲有作應通山泉清
琴啓彈宮商乘弦類族知感有命自天夷叔曠代猶
謂比肩矧我与子姪會斯年我之懷居其好纏綿四其
古人有言詩以宣心我之懷矣在彼北林何有於煥
斯文瓊瑰非寶尺牘成珍豐華非妙得意惟神河魴

登俎遭蓬清川五其

鳴鶴羨君子也太平之時君子猶有退而窮居者樂
天知命無憂無欲收碩人之考磐傷有德之遺俗故
作是詩

鳴鶴在陰戢其左翼肅雍和鳴在川之域假樂君子

祈尔明德思樂重虛歸于其極嗟我懷人惟馨黍稷
一其鳴鶴在陰其鳴喈喈垂翼蘭沼濯清芳池假樂君
 子其茂猗之底之瑰寶有粲瓊璫乃振袞裳襲尔好
 衣嗟我懷人啓襟以晞其鳴鶴在陰其儀藹藹謂天
 盖高和音于邁假樂君子篤膺俊乂穆風潛烈興雲
 載蒼德茂當年時愆嘉會安得磐藻改尔縞帶嗟我
 懷人心焉慷慨三其鳴鶴在陰載好其聲漸陸儀羽遵
 渚回注假樂君子祚之篤生德耀有穆如瑤如瓊視
 流濯髮滅景遺纓安得風雲雨尔北冥嗟我懷人惟
 用傷情

瞻彼高崗有猗其桐允也君子寶寶南江負規啓裕

沈矩履方詠此明流清瀾川通陔彼衡林味其回芳
一其馥矣迴芳綢繆中原祁之庶類薄采其芬栖遲秘
 丘容与衡門聲播東汜響溢南雲三其穆之闔闔南端
 陪籥庶明以庸帝聽式闢有鳳于潛在林栖翮非子
 之祚孰与好爵三其幽居玩物願景自願發憤潛惟仿
 彿有思于美亡此終然肯來企子興言惟用作詩四其
 贈司隸傅咸一首

西晉張載

皇靈闡曜流英敷醇苞光含素以授哲人於赫洪烈
 寔子厥真慮該道機思窮妙神汪穆其度煥蔚其文
 實茂成秋華繁榮春清藻既振乃郁乃彬德風雲暢
 休聲響震一其倬蹤古昔越軌叢朝外駭方域內冠皇

寮峨々峻極誰其能超出莅宰守播化丞苗入毗帝
猷翼讚均陶道殊顏孔勲擬伊臯其太上立本至虛
是崇猗欵清規允迪斯冲韜納無方以光徽融嗟我
昏矇懷賢仰風其思存豫屬廁于末徒沐浴芳源儀
形訓模重仞幽秘顏陟其塗其彼海湯々涓流所歸
鱗宗龍翔鳥慕鳳飛瞻賴高景曷云能違未見君子
載渴載飢其
五

文館詞林

卷第一百五十六

九四十九百十言



九四十九百十言



文館詞林卷第一百五十七

詩十七人部古贈卷雜贈卷三

中書令李賓客監修國史和文館學士上柱國高陽郡開國公臣許敬宗等奉

勅撰

四言

西晉曹摅贈韓德真一首

贈石崇一首

贈王弘遠一首

贈歐陽建一首

荅趙景猷三首

西晉索暎荅石崇一首

西晉曩嵩贈杜方對一首

西晉盧謨贈荀彥將一首

西晉夏靖荅陸士衡一首

東晉郭璞荅賈九州愁一首

与王使君一首

荅王门子一首

贈温嶠一首

東晉梅陶贈温嶠一首

東晉王胡之贈安西庾翼一首

荅謝安一首

東晉孫綽贈温嶠一首

与庾冰一首

荅許詢一首

贈謝安一首

東晉謝安與王胡之一首

東晉郗超荅傳郎一首

東晉羊徽贈傅長猷傳時為太尉主簿入為都官

郎一首

荅丘泉之一首

四言

贈韓伶真一首

西晉曹摅

赫赫顯族冠蓋莪、葛延王室蔽蓂帝家如地之岳
如矢之河爰有韓生體德逶迤玉質含章珪白無瑕

庇岳之崇蔭林之華朝遊龍泉夕棲鳳柯同宿望舒

參轡羲和弘曜日月不榮若何其一時不久留日月其

除玄景嗟馳忽淪桑榆惜此寸陰念彼白駒昔齊驥

聚今則異塗我預吳坂子亨天衢尔足既駿尔御亦

殊顧我鶯蹇能不踟躕取譬草木假喻龍魚其二松以

冬凋蘭以春芳龍升在雲魚沉于梁大地未綴華秀

梓旁傾質惠夙晞采朝陽燼微難熾根朽不長爛不

自燭榮於何望幽室誰照翼子餘光其三餘光不照怨

在貧婦谷凡遺舊伐木敦友嗟々人間一薄一厚時

無展禽臧文何咎蕭生既沒誰与結綬攝余衣冠歸

守丘阜平生之要不忘在久枉尔結駟軼我壻其四

贈石崇一首

昂々我牧徒惟人豪作鎮方岳有徽其高英夙遠扇
峻跡遐招攻璞荆岬滋蘭江臯朝採芝蕙夕玩瓊瑤
豈乏珉石乃牧艾蕭髦隼在位多士盈朝雖欣嘉顙
懼忝班僚一人亦有云上明下真匪唯具臣諤々在
側讜言既奏朝有正色翰飛冲天必假羽翼咨余承
乏与属備職曾無補益徒竭心力龍旗反旆鸞駕迴
軾顛尋塵軌以除其逼其二羨茲高會憑城臨川峻壙
元閣層樓闡軒遠望長州近察重泉鬱々繁林蕩々
洪源津人思濟舟士戲船得廁大歡屢蒙賓延飲必
酈綠肴則時鮮仰接温顏俯聽話言嘉我乃遇遭彼

類煩其三浮萍依水寄生附林託根清流委積重陰顙

樹之茂樂川之深太陽移宿蔡藿傾心至誠苟著雖

微難禁况与夫子利齊斷金敢敷中懷貢之所欽其四

贈王弘遠一首

西晉曹摅

道貴無名德尚寬欲牧其華我執其朴人取其榮
余守其辱窮巷湫隘環堵淺局肩庸弗暨茅室不斲
潦必陵階雨則浸楸仰懼濡首俯惟塗足妻孥之陋
如彼隸僕布裳不衽韋帶三統將乘白駒歸于空谷
隱士良苦樂哉勢族其一余樂伊何志逸樂深太府堂
々閑房愔々早不厭日水不患霖入懽卓氏出玩秦
鍼寵妻懷目嬖子娛心華屏列曜藻帳無陰纓敲流

芳羅襦解衿嬾婉之求一啖千金忽彼苦誠甘此所
欽言往不訓秘其位音二採石他山攻璞南荆雖無
和璧冀牧瑤瓊日月愈久曾無玉声傾心注耳寄焉
靡聽桃李不報徒勞我誠瑾不匿華蘭不秘馨何惜
織翰莫慰子情

贈歐陽建一首

西晉曹摅

嗟我良友惟彦之選弱冠叅戎既立南面或踊而升
蔚煥其交豈徒虛声考績畿甸約政理繁事省功辯
如何勿思自我不見乃命僕夫北臨其縣一義闕三
益試替離羣側想謹言願同蘭芬謂芒盖高載越其
墳涉境登朝信惟惠君烈々威禁肅如夙雲誰言善

蔽在幽必聞鶴鳴既和好爵亦分二昔有豹產實能
鄭在漢黃邠剋堪敷政著名上代千載遺詠仰瞻先
蹤可不斯競方六七十觀化賢聖分河跨土於茲為
盛茂勉不墮古人所病三湯々洪川朝宗于海芒々
甫田稼穡攸在瞻彼南畝動郵無殆鑒此長流朝夕
莫改念茲在茲非孰肯四慎終如始令問遂倍

答趙景猷詩四首

西晉曹摅

於鑠趙生載位相紹挺此令嶽素質皎々投跡清規
研思至道擷秋厲節晞春振藻一厲節伊何如霜之
榮懷玉匣采抱蘭秘馨藏器俟賈潛秀養英二海蓄
其流山積其壤表崇望顯源深潤廣仰惟我友含光

昧爽誰謂未章今將宣朗其三守真良難知德者解賢
 不問時樂在為善陟彼弥高流川日遠無憂不至敦
 介攸踐四其道有夷險遇有通否驥不稱力士貴匹履
 識歸要會豈嫌塗軌苟非位義於我糠粃五其泉竭龍
 逝樹茂鳥聚爵彼北林招其倚侶嗟我孤根枝葉骨
 ；歲寒靡託遠播江渚六其濟；京華雋又並湊悠；
 遐裔我獨是赴哀此離羣悲彼孤陋非無新好人則
 惟舊七其義著往葉分珍來襲庶幾與子終茲不赦豈
 如冬夏寒暑易節斯誠既著信不待擔八其實望嘉贈
 披懷發中直諒未聞厲致薰沖投于幽谷試之已崇
 客過行雲虛其旋凡九其導以水柔示以火急寬猛相

濟孰能企及古人難慕洪流巨挹軀小裁薄余將烏

襲十其翟氏載離陳張終辱交以時利胡能不黷竊恠

吾子自疑末俗愧以沙礫何言金玉十一其

汎舟洛川濟彼黃河乘流浮蕩儻忽經過孤栢亭；

迴山峩；水卉癸藻陵木楊葩白芷舒華綠英垂柯

遊鱗交躍翔鳥相和俯玩璇瀨仰看瓊華願想風人

伐檀山阿存彼魚人滄浪之歌邈；淪漪滔；洪波

大道孔長人生幾何俟瀆之清徒嬰百羅今我不樂

時將蹉跎蕩心肆志与物無瑕歡以卒歲孰知其他

季秋惟末孟冬之初大火頽流日月其除嗟我懷人

離羣索居山谷乖錯飛沉異塗与介同代光景永殊

愛而不見搔首踟躕出門彷徨彼城隅俯察綠水
仰瞻天衢雍々和鷹偏々遊鳧感物興懷憤思鬱紆
脩夜悠々寤々閑處情在心想中宵寤語有鳥自南
寄聲謝汝飛鳥難期徒獨延伫精誠之至崩城墮霜
韓凡丹青化為鴛鴦止必交頸飛必雙翔願言与汝
携手同行情若比目離如叅商遺夢想象仿佛暉光
中心鬱滯伊懷永傷素秋授終玄節敬御逝將離征
我勗我車命彼僕夫駕言北徂告別津裔執手岐路
汎舟中流 載邈臨河歎逝眷々長願越登關阻
踰歷山川峻阜隆崇流水泉泣曠野冥莽脩塗泯綿
鳥鳴雍々木落繽翩薄寒吹悽微風交旋惟時愴介

悼物惻然遠思遙弄近念因指良夜弗寐嘉肴弗瀆
停駕踟躕途路槃桓心亦何為願懷所安嗟行伊久
慨其永歎氣感異類誠發心肝離禽赴衡偏鳥鳴軒
思如尋縈莫知其端古人罔極今我不爽願言所欽
唯子靡兩情存口詠心憶目想形遊神還身去意往
伫立不見瞻望佛仿婉孌西路遺憂養々人則惟舊
我好惟新一日之隔悠若三春矧乃于別越魚二旬
薄暮愁予思亦終晨耿々不寐媚茲良人今也亡此
誰與獨勤夕宿路靡朝發澤濱良駒踪足輕車結輪
替脫俛仰荏苒時馳秋來冬及節變歲移萋々之萋
漂然去枝蔽芾豐草殞其黃萎無生不化我心匪虧

卷々屈生哀彼乖離遲々楊子哭此路岐纏綰之情
鄙我人斯達者無累內願何為

卷石崇一首

西晉棗腆

昔我不造備嘗巔沛后土傾基皇天隕蓋少懷豪昧
長無耿介遺訓莫聞出入靡賴如彼泉流不絕若帶
終懷永思感昔康泰我偶敷命于彼徐方載詠陟岵
言念渭陽乃泝洪流汎身餘皇寢宸逝曷路之長
亦既至止願言以寫爰有石侯作鎮東夏寬以撫戎
從容柔雅獸嘯幽巖翔鳳扇起逸響既振衆聽傾耳
恂々善誘大揖羣士宗道投意結心万里我固其終
人結其始宗道伊何英朗特雋如彼凌高日以增峻
隲朋有慕顏生希舜遊志域外滌除鄙吝仰止晨夙
豫登數仞我聞有言居安思危位極則遷勢至必移
上德無欲遺道不為妙識先覺通夢皇羲竊覩堂奧
欽蹈明規

贈杜方村一首

西晉棗嵩

爰有良木結基崇岸孤根挺茂豔此豐幹晞曜朝陽
接潤辰漢如彼芳松繁華冬榮其厥豔伊何重英累
茂厥榮伊何既苗而秀綽矣杜生應期特授人以位
瞻而能義富二其浩々万區悠々俗網變化無際誰鑿
其象慎微將來積著在往惟子居之久而不爽其名
以實顯形端景立弘之匪他唯我所執文莫如人瞻

望弗及若在聞一其殆知十其肇允發縱履霜之始
乃自童矇芬葩乘梓鳴鶴在陰縻爵君子羽儀上京
弱冠來仕其五在動能躍慶靜思默既宣厥文亦茂其
位韞□蓬林允衡上國洪音振朗暉曜四塞其六達節
無累貴彼脩身不求善已而務得人進替惟意与时
屈申萬物云々飄若埃塵其七假翼巖阿束翮景雲控
鏡者易鮮能解紛莅之休明卓焉出羣豈獨吳起高
謝田文其八余与吾生處非先後神結傾蓋情固白首
推年下交以文會友忠焉之誨望子善誘其九積細靡
隊一覆斯崇訓致以道堅冰則終雖小必大無往不
隆嗟我良朋敬承清風其十

贈荀彥將一首

西晉棗嵩

光々國寶曰瑜曰瑾濟々清朝曰髦曰雋瑜瑾既琢
有温其潤髦雋既集芳凡其振其一顯允荀生天挺厥
真沈識膚敏温粹澍仁初應宰命徽音惟新遂假蒲
密簡在至神其二時惟惠后黎人攸綏乃授明位賦政
近畿戢翼太清翫然鳳飛尋此遐躍曜彼遠暉其三昔
在豹產顯名當時及尔祖公播声于兹赫々顯名在
尔揚之穆々播声在尔光之其四孰謂玉寶匪我所珍
孰謂言輕々重千鈞勉樹惠化敬及厥身引領南望
々子清塵其五

卷陸衡一首

西晉夏靖

大哉軋元万品資生陶育五常惟濁惟清猗欵君子
誕稟純精行歸于周忠篤允誠、、伊何拔羣出俗
華文不脩抱此素樸履謙居冲恒若不足上交不諂
下交不瀆倬彼雲漢於章于天九五翻飛利見大人
、、有命是牧是招時行則行遂外東朝、、光、
天同其曜匪徒一臺天同其照、、介德又簡介才
將登三事百揆是釐據仁為本杖義為典經緯三墳
錯綜衆書斟酌聖輿与道卷舒靡、、陸生帝度其心
靜恭夙夜莫其德音位音既莫其美弥深為物之主
為士之林天作高山大王荒之蕩、、荆士子其康之
夙俗未敦子其臧之羣彥未叙子其經之忝榮剖符

悠、在茲羔裘豹袂有愧不能乃眷我顧爰貽休詩
嘉觀嘉藻以為清規敢銘妙言終始永思

卷賈九州愁詩一首

東晉郭璞

廣莫忒寒玄英啓謝感彼時變悲此物化獨步閑朝
哀嘆靜夜位非顏原屢空蓬舍輕服御冬藍褐當夏
正未墨突逝將命駕幸賴吾賢少、慰藉其願瞻中
宇一朝今崩天網既紊浮鯢橫騰運首北眷邈哉華
恒雅欲凌蕭矯翮靡登俯懼潛機仰慮飛翬惟其隳
哀難辛備曾庶晞河清混焉未澄其自我徂遷周之
陽月亂離方歛憂虞匪歇四極雖遙息駕靡脫顛言
齊衡庶幾契陶虽云閻投圭璋特達綿駒之變何有

胡越子固高楚我伊羅葛無貴香明終自截渴未若
遺榮陶情丘豎道遊永年抽簪牧豎三其

興王使君一首

東晉郭璞

道有虧盈運亦凌替泄、百六孰知其弊蠹、中華
違此虐戾遺黎其咨天末忘惠云誰之眷在我命代
其穆、皇帝固靈所授英、將軍惟哲之秀乃協神
靛如蘭臭化楊東夏勳格宇宙豈伊來蘓莫知其
覆二其懷遠以文濟難以昭光贊岳漠折衝惟悞凋華
振彩墜景增灼穆其徂凡休声有邈方恢神邑天衢
再廓三其遭蒙之君在我幽人絕志雲肆如彼涔鱗靈
蔭搦垂躍我龍津翹情明規懷徂鑒神虽賴暫盼永

愧其塵四其靡竭匪浚靡頽匪隆持貴以降挹滿以冲
邁位遺功於盛思終頽林之藹樂岱之崇永觀玉振
長賴英凡

答王門子一首

東晉郭璞

芊、玉英濟美瓊林靡、王生寔邁俊心藻豔三秀
響諧詔音映彩春蘭擢蘂秋岑其我雖同薄及尔異
穎翹不冠叢榮不熙町因夷杖平藉澄任靜思樂逸
鶯翻飛雲領二其疇昔之乖永言莫見之子于罹再離
淪湮苔不凋翠柯不易積潦霜滋芬在陶弥練三其詩
亦有言兄弟無遠矧我暨尔姻媾繾綣倚人其來青
陽載婉言歸于好如彼琴管四其皇極委夷運有經綸

聊以傲詠不榮不遜敢希竄放庶幾無悶匪薰匪猷
安知藜藜五其遺物任性兀然自縱倚榮彫藹寓音雅
弄匪涉魏闕匪滯陋巷永賴不才逍遙無用六其

贈溫嶠一首

東晉郭璞

蘭薄有莖玉泉產玫瑰含夙灼灼猗人如金之映
如瓊之津擢翹秋陽凌波暴鱗一其擢翹伊何妙靈竒
挺暴鱗伊何披彩邁景清規外標朗鑿內景思樂雲
藹言採其穎二其人亦有言松竹有林及余臭味異苔
同岑義結在昔分涉于今我懷惟永載詠載吟三其子
策騏駿我紫駘轡進不要聲退不傲位遺心隱顯得
意榮悴尚想李巖道遙柱肆四其言以忘得交以淡成

同匪伊和惟我与生亦神余契我懷子情攜手一瑩

安知塵冥五其

贈溫嶠一首

東晉梅陶

巍巍有晉道隆虞唐元宗中興明祖重光我帝業基
聖后作皇生而神明誕質珪璋有亂同符恢我王綱
一其名衡增燿元輔重輝泉戎若人亦顏之徽知文之
宗研理之機入銓帝評出緇王維二其帝曰余徂往鎮
江土卑尔苑麾授尔斧斧昔周之宣有熊有武在漢
五棊營平作武推轂委誠惟余典汝三其俯儂勤時非
遑晏豫星陳宿駕玄旌首路輕舟龍驤武旅雲布我
戀惟愛尔勤王度遲々之感監寢宵悟四其人亦有言

德輶如毛重非千鈞人歎剋效武有七政文敷五教
義在止戈威崇載暴勛尔遠猷邁尔英劬其五

贈庾翼一首下

東晉王胡之

儀鳳厲天騰龍陵雲昂々猗人逸足絕羣温風既暢
玉潤蘭芬如彼春零流津烟煜其一鄧林伊何蔚々其
映流芳伊何鑿猶水鏡通廣外潤雅裁內正降已順
時志存急病其二戎馬生郊王路未夷螳螂舉斧鯨鯢
軒鱗矯々吾子劬勞王師單醴投川飲者如歸崑嶺
載崇太陽增輝其三江海能大上善居下侯王得尊心
同觸宣廢我處沖虛懷無假待來制器如彼鑪冶天
下何事去其害馬其四友以淡合理隨道泰余与夫子

自然冥會暨面豁懷傾枕解帶玉液相潤瓊林增蕩
心齊飛沉相望事外辟渚龍魚陵雲潛瀨其五稷契贊
時巢由允鳩輔漢者房道跡者皓妙善自同外內臣
道子光齊魯余守嚴老其六元直言歸武侯解鞅子魚
司契幼安獨往神齊玄一形寄為兩苟體理兮動疇
忘象仰味高風載詠載想其七迴駕蓬廬獨遊偶影陵
風行歌肆目崇嶺高丘隱天長湖万頃可以垂綸可
以嘯咏取諸句懷寄之匹鄰

答謝安一首

東晉王胡之

荆山天峙辟立万丈蘭薄暉崖瓊林激響括人秀舉
和辟夜朗凌霄矯翰希風清往其一矯翰伊何羽儀鮮

潔清往伊何自然挺徹易達外暢聰鑒內察思樂寒
 松披篠暎雪其二朱火炎上淥水赴泉風以氣積水由
 霜堅妙感無假率應自然我雖異韻及尔同玄如彼
 竹栢厲飈俱鮮其三利交甘絕仰違玄指君子淡親湛
 若澄水余与吾生相忘隱机泰不期顯在悴通否其四
 人間誠難通由達識才照經綸能泯同異鈍神幽疾
 宜處無事遇物以器各自得意長短任真乃合其至
其疇昔宴遊繾綣鬢亂或方童顏或始角巾蹇褐攬
 帔濯素若其壑無深流无蹢仞今也華髮卑高殊
 韻形跡外乖理暢內潤其六巢由坦步稷契王佐太公
 奇拔首陽空餓各乘其道兩無貳過顏弘玄弊廢疾

高卧其七來贈載婉妙有新唱博以兼濟約以理當非
 不悅子鴛驥殊量鳥養之任其沉颺取諸曾懷寄

想郢匠其八
贈温嶠一首

東晉孫綽

大樸無像鑽之者鮮玄風雖存微言靡演邈矣括人
 測深鈎緬誰謂道遠得之無遠其一既綜幽紀亦理俗
 羅神濯無浪形渾俗波頰非我朗貴在光和振翰梧
 標翻飛丹霞其二爰在冲亂質嶷韻令長崇簡易業大
 德盛体与榮緯迹与化競經緯天維翼亮皇政其三狡
 共不臣拒順祿兵矯君侯杖鉞斯征鯨鯢懸鰓靈
 許載清淨能弘道動其四功成其五則無則慕有必其六

仰蔭風雲自同蘭夷辭以運情、詣名遺忘其言往

鑒諸盲歸

其五

典庚冰一首

東晉孫綽

浩々元化五運迭送昏明相錯否泰時用數鍾大過
軋象摧棟患懷凌搆神鑿不控其位之不逮痛矣悲
夫蠻夷交迹封豕充衢芒々華夏鞠為戎墟哀魚忝
離痛過茹荼其二天未忘晉乃春東顧中宗奉時龍飛
廓祚河洛雖堙淮海獲念業々億北相望道著其三天
步艱難塞運方資凶禍稽誅外憂未夷矧乃蕭墻仍
生梟鷄逆兵累邁三纏紫微其四速惟自天抑亦由人
道苟無虧豐故曷曰違々遺黎死痛生動撫其五運懷

天地不仁其五丞哉我皇哲巍自然遠

隆替思懷普

天明發詢求位音遐宣臨政存化旺親尊賢其六親賢

孰在寔賴伯弼卓矣都鄉光此舉首苟云至公身非

已有將敷徽猷仰讚聖后其七義存急病星駕路次穆

尔平心不休不悴險無矜容商無凌氣形共務動志

恬道味其八余与夫子分以情照如彼清風應此朗嘯

契定一面遂隆雅好弛張雖殊宮商同調其九無湖之

寓家子之館武昌之遊繾綣夕旦邂逅不已同集海

畔宅仁懷舊用忘倚歎其十晏安難常理有會乖之子

之性惆悵伍佃子冲赤霄我戢蓬黎啓興歧路慨矣

增懷其十一我聞為政寬猛相革體非太上曠能全德鑒

彼韋弦慎尔准墨人望在茲可不允塞其古人重離
必有贈遷千金之遺孰与片言勵矣庾生勉躑前賢
何以将行取諸斯篇其

谷許詢一首

東晉孫綽

仰觀大造俯覽時物機過患生吉凶相拂智以利昏
識由情屈野有寒枯朝有炎鬱失則震驚得必充訕
一其 裁 高門鬼闕其庭弈 華輪路險則傾前輻摧
軸後鸞振鈴將隊競奔誨在臨頸達人悟始外身遺
榮二其 遺榮 在外身 全卓裁先師脩德就閑散以
玄風滌以清川或步崇基或恬蒙園道足匈懷神栖
浩然三其 咨余冲人稟此散質器不韜俗才不兼出綬

社告誠敢謝拉質冥運超感邁我玄逸宅心遼廓咀

嚼妙一

其

孔父有言後生可畏灼灼許子挺竒拔萃

方玉比瑩擬蘭等蔚寄懷大匠仰希遐致將隆千仞

豈限一匱五其 自我提携倏忽四周契合一源好結回

流泳必齊味翔必俱遊懽与时積遂隆綢繆一日不

見情魚三秋

其

矧乃路遐致茲乖違余託西隅我滯

斯畿疴委卷寮閑扇淒風夜激皓雪晨霏隱机

獨詠賞音者誰七其 貽我新詩韻靈旨清粲如揮錦琅

若叩瓊既欣夢解獨愧未寘愠在有身樂在忘生余

則異矣無往不平理苟皆是何累於情八其 戒以古人

邈彼巢胎千載絕塵山栖嘉邈亦有負薪量力守約

敢希先人且戢讜言永以書紳其九

贈謝安一首

東晉孫綽

緬哉冥古邈矣上皇夷明太素結紐靈綱不有其一
二理曷彰幽源散流玄風吐芳扇則歇流引則遠
朴以彫殘實由英前捷徑交軼荒塗莫踐超哉冲悟
乘雲獨反青松負雪白玉經飈鮮藻弥映素質逾昭
凝神內湛未醜一洗遂從雅好高跼九霄洋浚泌
藹々丘園庭無亂轍室有清絃足不越疆談不離玄
心憑浮雲氣奔皓然仰詠道誨俯膺俗教天生而靜
物誘則踈全由抱朴灾生發竅成歸前識孰能默覺
曖々幽人藏器掩曜涉易知損極老測妙交存風流
能生之黃不覺長揖与尔造玄迹未偕入鳴翼既舒
能不鶴立整翰望風庶同遙集

典王胡之一首

東晉謝安

鮮冰玉凝遇陽則消素雪珠廉潔不崇朝膏以朗煎
蘭由芳凋哲人悟之和任不標外不寄微內潤瓊瑤
如彼潛鴻拂羽雪霄其一內潤伊何疊々仁通拂羽伊
何高栖梧桐頰頰應木婉轉虵龍我雖異跡及尔齊
縱思樂神崖悟言機峰其二繡雲綺構丹霞增輝濛記
仰映扶桑散蕤吾賢領雋邁俗鳳飛含章秀起坦步
遠遺其三余典仁友不塗不苟默匪巖穴語無滯事櫟

不僻社周不駭吏紛動躡翳領之在識會感者圓妙
得者意我鑒其同物覩其異其往化轉落運萃勾芒
仁風虛降与時抑揚蘭極湛露竹帶素霜縈點朱的
薰流清芳觸地儻雩遇流濠梁投綸同詠褰褐俱翔
五其朝樂朗日嘯歌丘林夕翫望舒入室鳴琴五絃清
激南風披襟醇醪淬慮微言洗心幽暢者誰在我賞
音其

荅傅郎一首

東晉郝超

森々羣像妙歸玄同原始無滯孰云質通悟之斯朗
執焉則封噐乖吹万理貫一空其昔在掞角有懷大
方雖之超詣性不比常竒趣感心虛飈流芳始自踐

跡遂登慧場其跡以化形慧以通神時欵運欵蓮茲
泉人澄源領本啓此歸津投契凱入揮刃擢新發悟
雖迹反觀已陳其曖々末業運鍾交喪綿々塵宗千
載靡暢誰能慙中仰諧冥匠并轡一方明心絕向其
明向若易潛行諒深時惟同得婉轉嘿尋望闢啓扉
披帷解衿情興未足祈我冲葦五其冲葦之往豈伊璠
璠通無不暢分靡不劬何以融之本際已无即心既
盡觸扶自虛六其

贈傅長猷傳時為太尉主簿入為都官郎一首

東晉羊徽

赫々宰朝匪虬伊鸞微々殆足策鴛未班靡獲于心


有度惟官肅幽々禁孔邃且難其一孰寄斯誠寔惟舊
 要自昔偕遊聿來並朝雖或戎阻雖實氛蹶我有閑
 暇典尔清謠其二物化交尋聚散臆薄有羨一人翻飛
 雲閣離軼迎今嫌從謝昨雖則匪遐言觀弥索其三秋
 鴻泝芻商風厲時肅彼具物叩此幽司違好獨羈悵
 其悽而言念斯盈告勞惟詩其四

答丘泉之一首

理瞞有待事過無期自昔願言寢興伊思爰邁懷人
 載欽在茲賞得意從無闕惟時其一王路威夷戎役孔
 勤昔從經略方難之殷悠々岱陰滔々江濱綢繆成
 說典子夷屯其二江之泳矣載瀾載清俛曾時暇解顏

舒誠理既睦本事亦敦情永言契闊寔深平生其三自
 茲乖互屬有逝止余實無良沉疴弥祀孰是懷之則
 惟吾子豈微王事驟駕無已其四疲殆既謝惠澤是逢
 顯列斯偕厥司攸同畴昔之歡於焉克從託曜春藻
 慰此秋蓬其五雖則克從逸來有乖衡泌之娛休沐未
 偕冬日烈々飄風淒々對影華暑如何勿懷其六懷亦
 勤止戢此餘蘭惠以好言深試在翰敢忘三折敬思
 五難君子攸贈復之歲寒其七

文館詞林



百五十七



癸卯二月



文館詞林

一百五十七

文館詞林卷第一百五十八

中書令太子賓客監修國史文館學士柱國高陽郡開國公臣許敬宗等奉

勅撰

綱上

浪赴沂英華始翫落葉已稀惆悵衡臯心焉有違其
告離甫介荏舟迴周懷風感遷思我良疇豈其無人
莫与好仇孰日晏安神往形留其感昔戎行遠暨西
垠僂俛于役不敢告勤尔亦同事契闊江濱庶同支
離攘臂解紛其鳴鶴在陰自幽必顯既日有声因風
易演逶迤雲閣司帝之典蔚彼遺藉如瑩如洗其齊

仲善交在久弥敬自我之邁一遇而定於穆謝生以
和繕性有言属耳有文在詠其寡弱多幸逢茲道泰
荷榮西荒晏然解帶翦削前識任此天籟人既遇矣
何懼何害其搔首北眷清對未從瞻雲累歎思□御
風良顛易達嘉樂難逢微我無衣温涼誰同其古人
善身實畏斯名緣督何貴卷耀藏馨九言之贈實由
未冥片音或重珎璫可輕其

贈記室羊徽其属疾在外一首

宋丘泉之

趣以冥感契以情運譬彼金蘭堅芳牙訓郢夫寢介
濠津闕問孰是超賞非尔殆溢其婉晚闲暑契闊二
方連鑣翔野齊掉江湘冬均其温夏共其涼豈伊多

露情深踐霜

其二

神武遐滌大衢方揮屠耒晏業尔馬

靡達閑苑敵徑醜弦湛徽依彼二仲与子俱歸

其三

言無必依慨屢造尔疾既纓余憂用老搔首匪勤寔

經中抱言念佳人祇增心攬

其四

天道雖緬福善可期

今唯吾子允應在茲乘理載遂冲衿自怡三折既履

五德宜思

其五

予業弗高屢羈塵役勉彼儉勤忝此墳

籍識以榮期顏以厚積庶憑納汙仁規

其六

敬贈蕭諮議一首

南齊虞羲

琰源派水玉樹分柯投殷于宗佐漢而鄴九籌攸叙

一畫載譎象賢弈綦衮服逶迤

其七

自茲以降朝瑞國

右鳴玉在腰納言加首有鍾有石無凋與朽令問令

望如瓊如玖

其二

相門出相德門有德弱冠登朝澍問

玄塞弱冠伊何有典有則澍問伊何自南自北

其三

芝秀草八桂嘉樹五馬駢塗八龍遊霧彼令兄弟方

之有裕並列大夫登高而賦

其四

受言載筆遂典羣流

天祿不校白獸未雝申棘風雅郵郊春秋彛文不斲

臧此之由

其五

帝念師旅詔參帷幙對曰戎車未之先

學歸陳俎豆拂衣行樂容止可觀卷舒可度

其六

千乘

之后好道軾閭閑府之日有弓有輿久勤引領獨下

辟書鳴笳啓路託乘後車

其七

枚叟上書吳王弗約夫

君正諫直道難合有伐問仁陽狂不荅乃蒙矢刃永

離嚶嗒

其八

退食自公多歷年所思歸養素豫聞斯語

終日下帷情非待舉如蓬如惠此出此處九其吾人下
走國士見知同遊宛洛並泛漣漪輕蘿易動遂別芳
枝蹈之不足託此差池十其

贈何錄事諲之一首

南齊虞羲

塵々斗維王畿所止洊滔瀟漢天步之紀金耀圓圖
玉漱方汜蓋靈擢秀載萑君子一其於穆君子左角佩
鷩從羣竹騎取雋遊兕昂々千里宛々長離同規同
矩異雄守雌二其早弃幼志夙就強學唯道是脩何土
不樂將英竹箭聊遊誓岳容止可觀進退可度三其
德有行如珪如璋樂山樂水令問令望辭家觀國為
龍為光唯兄唯弟元方季方四其漢北張生洛陽賈子

秩宗是佐澍問不已僉曰允諧肅恭帝祉於斯為感

齊稱得士

五其

槐如宿上閣如雲握蘭云典執筆司

文方瑜等潤比桂爭芬能照時宰績著人君六其帝子

南牧孔殷是撫白水悠々青原廡々賁之束帛不日

來取如馬如枚長裾上府七其咨余下走中田穰蒔迺

裹糗糧遂去鄉塾既日觀止朝遊夕宿如佩萱蘭久

知芬馥

八其

共化之選古謂惟良能柔下邑必惠上邦

大君有命朱襮續裳方同汲子重卧淮陽九其嘉命顯

承方駕蘭汜如彼飛鴻搏風千里極目亭臯勞心無

已蘓歌有慰逃聽傾耳十其

贈逆人一首

梁武帝

任重悠々生涯浩々善難拔茅惡易蔓草逞思藥石
懇求非道珠豈朝珎璧寧國寶想賢若焚憂人如搆
一其我聞在昔有古天子虞華駢聖周昌多士緡熙朝
野體邦經始二其惟河出圖唯岳降神是代皆有何代
無人懷寶迷邦高尚隱淪價待哲后見須明君伊予
不聰故闕斯聞三其目因見生才為時育何為山阿何
為空谷聲殊確雉響異吻鹿豈須託夢寧俟延卜想
象屠釣踟厨板築四其仁者博愛大士兼撫慈均春陽
澤若時雨心忘分別情無去取等皆長養同加嫗煦
譬流趨海如子歸父五其願探懷抱非為富貴代既同
人時亦皆醉六合岳崩九州海沸事須經綸屬當連

師投袂劍起澄清涇渭六其念我栖遲安步任心夏興
石泉春遊香林勸踰絲竹樂過瑟瑟琴無疑無難誰訶
誰禁百非不起万累俱沉七其思懷友朋遠至歡適躬
開二敬徑延三益縫纒故舊綢繆宿昔善言無違相
視莫逆情如斷金義若投石八其仲節猶嫩春色始嬌
湛露未晞輕雲已消綠竹猗々紅桃夭々香氣四起
英蘩六搖蜂閑採花雀戲新條九其風光綠野日照青
丘鴉鳥初飛新泉始流乘輿攜手連步同遊採芳中
阿折華道周任情止息隨意去留十其如壟生木々有
異心如林鳴鳥々有殊音如江游魚々有浮沉巖々
山高湛々水深事跡易見理相難尋十一其晨朝已失乘

榆復過漏有去箭流無還波切念不減疑慮益多季
俗易驕危心少和我之憂矣用是作歌其

和贈逸人應詔一首

梁簡文帝

紫微垂象常居為政司牧則之以膺天命明我皇
乃神乃聖功韜玉檢道光金鏡爰昔在田君德夙盛
其過矣西土惟天有漢姬實剪商劉亦撥亂赫然浮
夏同符共貫軋迴龍動雲蒸水渙一戎定齊二儀貞
觀其二軒衣禹食以服以膳舜漆堯厨匪馳匪時黃畏
上天丕顯無勗百神効職羣祀歲遍瑞草晨開德星
昏見其三鏗鏘六樂昭彰七藝白獸談經石渠稱制齊
稷罷趨魯洙忘滯南風慶雲禹謩湯誓不有今弘安

知昔細其穀稼斯重珠玉為輕我峻既樂我億已盈

貢田靡撤譏關不征四人遷賀百貨社行樓船舉帆
賣藥藏名其方赫率止軍幕洞開如貔如獸如運如

雷呼韓北款樓蘭南摧威加四海武誓九坂有苗已
格徐方不回其愍茲五濁矜此四流既開慧海廣列

檀舟金輪瑤印丹枕白牛率土祛惑含生離憂大羅
網息作士刑休其三北驗佃百工寫質既感商年且

高周日嘉謀沃心王道又密聖猷獨照運茲得一君
唱臣從無違何弼其負壺井谷擊壤衢中猶紆帝念

哥詠自哀思諸舉逸羨彼溁風國獻選士鄉薦教忠
論才司馬試射郊宮其准測天度鍾應星璣風除摠

至草復具腓冰輕寒盡泉長春歸射干先動載勝行
飛千門照日五達含暉^{十一其}伊臣不佞叨備元子傳訊
矻頌司教詩史朱綬傍垂安車高跼膳則不會宴則
以齒澤優禮博兢懼何已^{十一其}聖親明主千載一逢子
法臣道竭誠思恭周記希習齊歲願從雖加砒礪願
揆愚忝匪躬斯鑒孰肯為容^{十二其}

贈沈錄事江水曹二大使

東陽郡時

梁沈約

伊我洪碁源濬流長奔^一清濟代有蘭芳允茲二秀
挺幹朝陽于被原隄徽命是將^{一其}受言帝庭觀風上
牧逸輪雙轡為腓為服遍軌甌吳縈滄海陸岌^一貂
冕麟^一華轂^{二其}帝格文祖握瑞持衡慶踰高邑北屬

大橫王道無外軌路昭近臣履事上介倅行^{三其}微

下國川紆路阻蕩^一王人匪遑窳屢巡儀既暢私

宴亦叙置酒式歌披衿寤語^{四其}忒途在日復路迴舟

霜結暮草風卷寒流情勞東眷望泣西浮崇君遠業

敬介芳猷

五其

贈劉南郡季連

東陽郡時

梁沈約

鴻漢景德盛楚連徽灼^一中壘入奧知微殊源別派
復屬清輝伊我蘭執升堂召扉^{一其}宴遊忽永心期靡
悔代厯四朝年踰十載朋居繼繼余違介誨豈獨秋
蘭結言為珮^{二其}事有離會心未江湖昔分湘清今別
荆吳安得理翰同飛故都情勞伊介念切紛吾^{三其}追

念生平歡友非一諷孛斯五披林者七方駕清衢置
酒蘭室離役代有興言涕溢四其山邦務寡陟輔任隆
才否雖異勞逸不同幽巖何有丹桂為叢結枝以贈
寄之飛鴻五其幾々令藩騰芳戚右緝茲江漢寔寄僚
首在德易充為名難朽願言可獲歲暮攜手六其

贈任昉一首

梁到洽

獸生文蔚鳳亦五色絢彩火然豈由畫飾猗欵若人
不扶自直數仞難闢方頃誰測一其四教必脩九德斯
備往行前言多識罔匱一見口傳暫聞心記生知之
敏昔滄今至二其藝不兼遊擇其從善苞羅載藉絕妙
蟲篆泱綜名實憲章朝典不體良才孰營心辯三其在

昔未遘迺賤伊人余未倒屣先枉清塵願慙菲薄徒
招好仁傾蓋已舊久敬孫親四其范張交好升堂拜母
亦蒙吾賢此眷之厚恩猶弟兄義實朋友豈云德招
信茲善誘五其欣遇以來四載斯日運謝如流時焉歲
聿月次既窮星迴已畢玄象晝昏明庶晚疾六其妍拙
不齊方負各取子登王朝為代規矩余拙一丘卧病
靜處同盡性分殊塗嘿語七其得於神遇相忘道術若
水之淡乃同膠漆豈寄响濡方申稠密在心為志非

詩奚述

七其

卷祕書丞張率一首

梁到洽

東南季子上國賈生會稽竹箭嶧陽孤莖物產因地

品賦斯征孰若兼羨羽儀上京其一上京羽儀十紀鴻
漸竹待羽枯木資剗剗皎々素絲涅而不染晨雞靡
暄徑寸誰拊其二豫樟之生誰能先識山衡野虞偶知
所植百尺無枝何枉斯直青冥聳翰丹霄拂翼其三介
日聞聲余稱傾蓋事以年殊理因義會我好春蘭子
歡秋艾蘭艾既辯春秋交害四其在昔壯年嘗恠長老
殷勤好少忘年愛寶於今念茲苟求懷抱綺孺素褐
何傷交道五其前有元幹置左置右後有弘度流兮四
部爰在伊人蔚為舉首余掌司直有謬蘭莠六其
既遲暮傷茲歲聿迫以賤事且嬰老疾子有俦年方賒
來日雖無事烏窻忘蓬草七其寤言安適懷人在斯九

重窺窕長安莫窺既迅千里玉策金羈且息望羨自

事衰疲

八

重贈臨蒸郭某一首

梁吳均

英々者桂結景萬華潤以碧沿縈以紫霞蓋蓋其氣
晻映其華終朝願止載挹載嗟羨々者桂亦好其音
爰彫爰剖為此瑟琴綴以青玉鏤以白金終朝願止
悠々我心蔽蕭小草亦呈其節華不堪猷條不堪結
妾彼芳輝憐伶此冥滅終朝願止心烏如咽

贈徐郎一首

梁費昶

漢水如雞嶼山抵鵲維皇多士譬茲珠璞皎々名駒
昂々野鶴思發泉涌紙飛雲落射策除郎明經拜爵

家盈擊悅人有丹墀車載斗量束之高閣一其並海之
 斥奔葉才雄北隣稷下南接淹中礼無變俗樂有正
 風輿人善誦君子固窮坐腰青紫俯拾三公二其曰子
 大夫有聲有度山東隻立關西獨步奮翻高雲揚鑣
 遠路王侯十辟英傑三顧負若斷山心如武庫三其昔
 聞舊矣寤寐詠哥我刺未書君駮肯過愛而不見獨
 抱縈波晨瞻洛汭夕望江沱方年已姪乃遇蕭何四其
 何用好仁從遊則變何用法鄙万頃斯見子亦絕倫
 爭驅前彥斧藻其德雕龍其絢五其殷勤膠漆留連琴
 酒居徒群立嫗亦廉醜紡績江南躬耕谷口庭中三
 徑門前五柳子若彈冠余當結綬六其

仰贈特進陽休之一首 并序

隨盧思道

夫士之在俗所以騰聲邁實爵為時宗者厥塗有三
 為才也位也年也才則弘道立言師範雅俗位則乘
 軒服冕變代天工年則貳騰杖朝致養膠序緬尋古
 始永鑿前指齒歷身名鮮能俱泰特進陽公兼而有
 之矣大齊武平之五載抗表懸車難進之風首振頽
 俗余不勝嘉仰敬贈是詩

幽求遂古遯聽前聞鴻眇邀篆策細媪體國經野
 為鳥為雲果行毓德或武或文一其於鑠君子含章挺
 秀龍翰鳳翼玉榮松茂逸韻孤峙奇峯迴構慕舜匪
 高希顏可陋二其藝彈文府學究書林盡則窮蘆索隱

鈞深靈珠耀手明鏡懸心聲偃華裔道冠衣簪其三豹
變其文鴻漸於陸入作卿士出為嶽牧千社萬鍾玄
冕丹轂神之聽之介以景福其四漢祿廣德晉美劇陽
君亦高蹈二此鴻芳知足知止令問令望功遂身退
休有烈光其五聞風伯夷懦夫自立祖道踈傳行人實
泣公之戾止僚友肯集瞻彼高山每懷靡及其六余實
膚陋少不及門挾策問道捧箒承恩以茲高義被於
後昆式歌且舞敢贈長言其七

文館詞林卷第一百五十八

文館詞林卷第三百四十七

中書令太子賓客監修國史弘文館學士上柱國高陽郡開國侯許敬宗等奉

勅撰

綱上

杭紫津濟小浚磨高闕出難鹿峙天街絕地垠掩薄
比題□彼姑溷騁六師於長莽縱四投於中原卒登
王庭夷部落川尸逐頽禺犢刊句林剝慮庶弥無遺
育穢類滅族裘毳之倫肉噍之黨莫不沮膽交辟虜
屬乃俘其王侯羣孛略其牛羊鹵獲降之溢輦藪升
之覆山阜蒸氣生雲霓塵埃冒千里鼓鐸震西鄰詬

諫盪北海自三五攸降征討之師未之有也南仲吉
甫猶翼也翱翔不過宸宇遠徂翔方近歸自鄩而詩
人歎羨猶載乎經雅一切收功無優容之風餘糧闐
壑餓俘弗矜孰我將軍懿略參無外拓跡汎海表愷
悌函甘棠神武凌尚甫云尔哉其施仁樹惠也斑寶
賂散珎舖流甘膳同織服恤劬勞愆疾疾勤撫其士
与之乎消息豈徒歎嶇隅隙之間苟自逸如此而已
乎故能夫得其死人忘其勞懦者生剴散士爭驍銳
氣先鋒臨敵競號鬼雄雷薄條忽神擊猶中虛發舍
矢必噉於是巖敵已盡士宛餘怒甲無解札之遺矢
無亡鏃之耗然後窮覽遐冥廓廓天外掃地清野寇

無餘商勞不過一時而垂祚數百歲斯非上智玄鑿
獨見之絕跡歟既乃周流□□道遙鄧林扞天柩以
瞰不周勒功燕然飲馬安侯邈瀚海卑居骨而後旋
師長驅振旅凱諫馬府獻功載勳祖廟飲御加饗策
勞受祚申九錫授五瑞賞戎捷決士隸人事允得克
當靈和其舉時其功尤故能降天祥發地祉神人致
祐礼無已

重曰跨翔土而遐征子討不庭之猾虜飛鋒旗以先
驅子握武技以忒野炎興赫而剽標驍騎忽以飈掃
烏蹄倏其機發子白羽燭而霆曜鋒矢濛而雨集子
鉦鼓鏗以雷擊三軍奔以縱節子羣虜□而丹地王

庭滅子邑落虛羸弱獲子首化誅匈奴子清北區
命元帥子昨太師班王賦子建天威假祿廟子考守
龜祀金庫子析虫尤樹銘鼓子殲威弧焚獫狁子爰
方徂建元戎子錫命服朱紱赫子路輿緘復光豹子
羈玄較叅耆黃子惣駿駁采物爛子文章睥捷彫戈
子輶重弓雙麾桀子旌旄幢

應上略子侵玄罔稽靈繹子應神符虔鉞旗子飾戎
輿飛四介子楊鸞鏢班威神子勒武夫奮貌旅子滌
翔區

超天關子橫漢津鳩西嶽子徂北垠踰句注子厲樓
煩濟雲中子息九原度紫疆子翔翔區越沙漠子臻

海隅

人事協子皇恩得金精楊子水靈伏順天機子把刑
德戈所指子罔不剋夷甲首子勾虜服斬温禺子刈
尸逐殲天賊子盪北極得干戈子討三國真庶事子
□不服袒忠孝子播德音假皇天子簡帝心爰比題
子獲鼎寶惟仲山子興周道同符應子襲規矩休徵
効子神所表

師騁志子元功剋封名嶽子表銘勒班馬旅子還京
室獻戎捷子舉軍實偃干戈子放旗鼓策洪伐子薦
祢祖懷皇歡子享嘉祐賚珪瓚子侔名武

伐蜀頌一首

東晉曹毗

三五代外冥數迭算黃位既革素靈疊祭宜皇基之
天經重煥妙化洞舒徂風玄散其妙化伊何惠無不
柔厥潤伊何雨灑風流跡摸唐虞軌出殷周形委代
謝心与冥遊其我皇繼祚克明克聖離暉洞照朗然

高鏡道適乎會物暢其性悠然不期冥諧同詠其神

教既融妙祥亦標儀鳳晨吟朗星登霄蔚彼嘉禾穎

連雙苗湛矣玉露灑津葩條其罕稱伊哲百寮允明

堂蔚琳琅朝列髡英人思盡規職思齊誠大化雨施

洪潤雲行其皇家之屏唯才曰慎赫々藩衛落々雄

鎮將平氛萬灑穢流潤漏網斯捕未賓伊振其蠢矣

嶠蜀敢竄邊外凶忒繼軌蟻聚蜂會特速縱虐怙險

自泰巖千紫霞泉吐万瀨其我皇聖仁愍彼殊裔黎

元何辜辛酸顛斃爰謀卿士啓茲嘉契乃命南藩奮

旗電逝其桓々南藩朗々竒筭々如石々烏金華秋斷

扶鉞宣威率義討叛鉦鼓暨振逆節焱散其人無殊

侵軍不加戎百姓若舊茂勲玄隆位之所逮無往不

充遐迹載歌震威懷風其方邛翼宣詩人斯羨今在

聖朝一規一揆往迹緬哉於今齊軌將平凶羯鳴鳶

北指其微々小臣遇蒙朝恩再深文華彈管儒門表

善明黜乃懷所存敢揚聖猷垂之後昆其

北伐頌一首 後魏高允

皇矣上天降鑒惟徂眷命有伐照臨万国礼化丕融

王猷允塞靜亂以威穆人以則北虜稽顙稟政在藩

往因時故逃命北轅代襲凶軌背忠食言招亡聚盜

醜類寔繁敢率犬羊罔縱猖獗皇乃訓師興戈北伐

躍馬裹糧星馳電發撲討虔劉肆陳斧鉞々暫陳

馘翦其旅積骸填谷流血成浦元凶孤奔假息窮野

爪牙既摧腹心亦沮周之忠厚存及行葦翼々聖明

有兼斯美釋彼京觀垂此仁旨封尸野獲惠如生死

々蒙惠人欣覆育理貫幽冥澤漸殊域物歸其誠

神猷其福遐迹斯懷無思不服古稱善兵歷時始捷

今也用師辰不及浹六軍剋龕万邦以協義著春秋

功銘玉牒載興載頌播之來蒸

文館詞林卷第三百卅七

文館詞林

三百四十七

文館詞林卷第四百五十一

碑卅二

百官廿二

中書令李寶榮撰圖文苑館學士程國高郡開國臣許繁筆奉勅撰

將軍二

北齊魏收征南將軍和安碑銘一首 并序

隨薛道衡後周大將軍楊紹碑銘一首 并序

大將軍趙芬碑銘一首 并序

薛收驃騎將軍王懷文碑銘一首 并序

將軍二

征南將軍和安碑銘一首 并序 北齊魏收

聞夫抗玄穹之雖綴黃陸之鈿

鳴天鼓而踰衆舉地路以籠物

蕩滌權輿埤理草昧莫賢居腹

心之忉雄毅當爪牙之重近則

素梓魁傑爪葛豪俊蕭曹樊夏

佩璽而効節吳鄧來祭荷策以
徇名遠有張陳鄴灌馬竇寢耿
雲歸風往棊徙杖附經綸乃方
折衝九服往者晉迄永嘉中原
瓦解分崩七紀膠加五胡於是
魏乘其弊奄括區宇洮汰神朶
羅絡荒極中謀外禦比肩受事
燕許雀張決其策孫干奚庚
制其兵於時尚書令定陵公和
公經武緯文鷹肅鸚跣軒輕
由其先後輕重隨其去就淡
心注意朝野宗之方極公輔
之尊歸以將相之首朝廷政
事咸所諮決調高遂以驚衆

震主於是身危既而錦地長
封良金且鑄表靈異於名山鬱
光明於祠典即公之高祖父也
公諱安字某沅源共主濤比深
層搆与白山俱傑雄颯代方聲
架河石水運統紀家實疏附
帝邑屢徙我不常居今為清
都臨漳人也曾祖父鎮都大將
祖燕州刺史俱蘊深沈之氣
咸負磊落之節正途先踐直
轡不回位不充量志行迹屈
乘此心也矯然千載考飭撝
崇竦異趣流俗遺時離衆室
迹人遐願有親同五賢位先

九牧狂待如神辟書先降終使
重席佩几罕見伊人懸榻奪
敗竟無此容公感降星精禎
標月畧家門神筭之徵舅宅
貴甥之相言咲之始神情純
人翦剝之初風望駭俗粗教方
日略擿章句方言朝誦五行併
覽口折堅白似弗能談心定朱
紫莫知其察履繩踐墨率礼
弘教行彈孝敬事窮仁厚物
仰庭訊時無間言持刻斯之
緒居執珪之冑惟祿惟切公
卿有業立言立德師佐攸侯
猶夫靈岷種玉永漢藏金用

超海內之寶動擅天下之價魏
孝明時起家奉朝請荆揚述
醜內爨譙梁公為別將平南府
長史受命即戎忘身致槩尔
時散地征旅潛亡公仁以為任信
而開物逃竄歸命多全要領
退除襄威將軍負外散騎侍
郎魏北海王元顥烏集江陰進
勲逋偽假錯面之穢資文身
之醜窮寢深入鑿輿外巡公陪
從艱難魚陳方略天柱大將軍
介朱榮入衛行宮咸見嘉賞
授明威將軍給事中領榮府
法曹叅軍接武白雲之士驤首

素朝之會鞭馭之間柳揚風
彩及天綱四張宸居載蕭轉
通直散騎侍郎寧朔將軍北
道大行臺郎中加寧遠之号
而二相驕矜一德致爽甚芒
荆之猜伏尚方之劔拔幹為
梗禍猶崩圻仍推踈屬入據
寶圖授中書舍人尋除通直散
騎常侍冠軍將軍兼給事黃
門侍郎仍領舍人天人未免符
璽改授復以常侍領舍人於
時迴天轉日不心三公論子工
言翕肩側目公持之有度一毛
不動履正居和泯然無際轉

司徒掾常侍將軍如故論從
北巡之賞時軍介朱隆以公曾
失其首侯遂不及我不屑已
橫議更以為高授太中大夫
東將軍轉河南太守新遷舊
鄴伊洛蕭條闕寇東窺荆蠻
北視公招懷初附慰恆遺黎鎮
以寬重莅以廉正西遏南撫威惠
俱洽風化所被歌謠迄今威宗
景列皇帝四端斯啓五彩行集
庶試作範朝府崇開以公鑒遠
遠韻高引為司馬俄以敷奏寄
重復授中書舍人兼嘗食典御
中軍將軍魏孝靜言次訪公外

柄所相對以聞隨四時所未曾
識其篤慎也如此而嗟敬也逾
深復除黃門鎮南將軍舍人如
故出行梁州事高明旁鑒哀矜
下臨窮為政之上榮盡牧人之
大體當時秦中醜類侵據潁
川三軍出討千金日費踰令如
霜薇發猶雨公心計屈指願
眇已得人吏驚悚咸曰神明轉
使持節都督義州諸軍事本
將軍義州刺史凌輔榛曠嶠潼
阻恣慕義檣負抑日新秦公
綏以清靜化以簡易高枕閉
閤無欲無為庭有人羅之雀

邑無妄咳之犬圖畫相傳俎
豈不絕微拜散騎常侍征南
將軍掌知東宮事地日少陽
重光監國崇賢冠帶博望巾
裾莫非高名上才霞舉仙步
非直左右前後咸求正人公
時表國華舉朝瞻想叅政
儲后風猷惟穆宜其翼亮二
宮遂階三事邈五君而光輔
冠一代之偉人而陽鳥入巢陰
堂夢講奄嗟代序之促遽深
停市之慟以天保六年十月薨
於位春秋若干追贈本將軍
幽州刺史太常考終定謚日賢

禮也惟公天壤不離全德斯在
應物隨方攸往必適至若先
意承志終始加人永懷風泉
之感長結茵斯之慕逮於任
事以官進德而祿震順持方可
久可大發跡暮歸移朝變市
劬勞出內經關險夷履揚公
之潔方夜逾畏執葛相之平
如稱弗動任真居坦得喪忘
懷弗懼武光無驚雷電濟陰
魏諷交傾時右馬令表毅質
滿朝賢凡此族也曾無帶介
使當屨執釣心敬而小朝倫
國望希風竦目紡毛帶草之

容捧手如舊乘軒結駟之子
雅語猶新忻敬可加貞固不
奪清裁方格人間推重邁種
積祉莫異咸歸婁踰九竒子
過百鍊終以四昭八達言揚事
舉敷贊邦典會通政術丹青
王化刑翼天朝冠冕縉紳跡
綸棟幹皇上深嘉股肱且懷
舊德表閭軾墓義有存焉復
贈使持節都督吳瀛滄三州
諸軍事驃騎大將軍冀州刺
史尚書左僕射司空公以天統
四年月日改卜於此寢故更公
姓名等命謂寫音調律爰自

於神工感事形聲當存於誠
聃道繫於人亡雅絕名憑於
迹、有可圖伐石懸鏡之山
傳響鳴鵠之地其詞曰

恒山北臨河流東折夏海漱澤
寒門窈絕地蘊精靈人表莫
列高冑洪緒標其竦傑輦車

而往兼資獨擅智踰万踪勇
超百戰翼子氣矜貽孫風扇
際遠無屈節高非賤奔載
風聞聿脩潛地池龍行躋鳳
毛當矯變化稱神昇降為寶
克仁克義能大能久言愬百
行來謀十官價重良玉名馥幽

蘭在國多否爲臣獨難芳草
能動比木凌寒府誅朝易後
命端至趨奏青蒲對楊丹地
分符外踐權旄出莅立事立切
殊途一致君子無濟莫歆允塞
推道崇儒存韓尚墨曲藝罕
顧異端靡或由我被人自家
形國體正居雅成務龍樓下
資教義上屬謀猷在川方楫
於生若浮玉門筮水張氏懷鉤
珠林重穎碧堂隆構凌雲迴
擢冠山標秀國慕樹蘭朝宗
領袖宸鑒攸揆礼斯崇舊
旌賢申命文物增輝山原起

忽冠蓋霑衣空間不朽孰与
同歸悠々大化人間復非

後周大將軍楊紹碑銘一首

并序

隨薩道衡

若夫天地之大德聖人之大寶
其惟生位乎生有終而位有極
道恒存而名不朽故雲臺驕
閣所以圖其形三哥史頌所

以播其聲公諱紹字某弘農華

陰人也靈源發於姬水玉緒

分於晉國西京丞相乘朱輪者

十人東漢公輔服袞衣者四葉

奉杖日威景福潛流逮我皇隨

鬻為天族祖國鎮西將軍父定

新興太守或擁旄杖節武過

宸戎或剖竹要銀撫導吐俗
文猷武略煥乎鱣簡而洪河
帶地砥柱發其英靈太華干
天高掌騰其秀氣誕茲魁士
是稱間出月角山庭幼章奇
表遠情正骨本異常人連城
三五未足比其內潤照車十二
不釀方其外朗烏策魚圖莫
不覽閱珠韜金遺徧所留心
既有拔俗逸群之姿常懷激
水搏風之志天柱大原王肇
開霜道廣柘俊傑深揖高名
引唐麾下于時魏鯉落紉羣
凶競逐葛縈虵食鯨吞拔燕

滅趙類蚩尤之徵風名雨若共
工之絕地傾天太原王親勒熊
貔直栢漳滏公提戈橫厲躍
馬先登凶衆凡解預有其力授
監軍都督既而秦隴妖寢鷄張
蝟起始則孤鳴惑人終乃獸飛
噬物賀拔岳一時雄武出制天
泉公別統支軍任當群帥筭無
遺策戰必先鳴既展破竹之功
允膺新珪之典封饒陽縣開國
伯邑三百戶尋授征西將軍金
紫光祿大夫轉衛將軍右光祿
大夫侯莫陳悅內懷奸伏潛運
凶謀變起棘門害加上將周大

祖昔經委質情深發憤越自
藩部星馳赴難建旗誓衆志
弥仇讎公亦叶贊莫圖同茲義
舉凶魁剿戮誠効鯁宣授大
都督鼓節尋封荊州冠軍縣開
國公邑五百戶加通直散騎常
侍進車騎將軍左光祿大夫齊
神武遷斯河朔包栢山東傾韓
魏齊楚之兵引漁陽上谷之騎
千里不絕百萬為群濟自臨晉
長驅馮翊周文潛師沙苑以寬
對衆公猛氣從橫奇謀間發或
縈左拂右或撫背衝心鄰敵大
崩隼輪莫及策功飲至誠力為

多授儀同三司蕭擘據有渚宮
鱗梁偽位航左江右湖之樂悅
朝雲暮雨之神貢職不備政
刑日紊燕文公受柯執律吊人
伐罪公分勒戎麾共為犄角登
於競上梁攬爭前楚君所以銜
璧郢都於是庶定拜開府儀
同三司封儻城郡公邑三千戶天
和元年進位大將軍應任燕數
幽三州刺史凜風雲而舉八翅
垂雨露而撫千折服冕彰其
寵榮洗憤表其清慎而表止
呪齋食之壽終自妄言句芒錫
秦伯之羊徒虛語耳春秋七十

有五以周建德元年薨於幽
州贈成文扶鄧洸五州諸軍事
成州刺史越公年月曆於公所
易名考行謚曰信公禮也惟公
志度察廓風儀雋之偉運屬
連橫辰生逢用武之日控權奇
之馬精貫鈎鈴帶豪曹之劍
氣侵牛斗折衝禦侮除暴靜
亂竒正比於孫吳功業同於衛
霍輕財貴義好賢下士柏困
內之米曾不介懷散廡下之
金聊無怯意呼船不弃彈鋏
更重故能氣蓋三輔聲振一時
鍾慶有徽克光凌棊第二子

司空公廣平王雄藩屏皇家
鹽梅斯鍊仰惟過避之凱永
結陟岵之哀故府佐姓名等以
為陳太丘一介邑宰尚有改名
之禍郭有道儒生者身猶興甚
愧之詞况乎盛業鴻勳瑰才偉
器而可翠石徒寢丹筆空栖乃
勒此豐碑樹之來裔垂芳猷
興懿範共穹壤而俱弊其詞曰
嶽靈集祉台宿垂光高門右地
蟬聯克昌緇衣朱紱玉鉉金章
日祖日禰令問令望爰降菁華
榘茲瑰傑志識開爽心神昭徹
幼標壯氣早著奇節好覽兵

韜能明軍決河朔挺禍凶寇橫
行宸居旣食霸后專征奮茲
虜勇摧彼妖鯨武安凡落神
巖石鳴二雄交爭三方未一陣
雲不解兵星屢出策預廟護
功宣戎律圖庸命賞加榮進
秩馭戈祭戟獸節龍旂六轡
翦四驥駢、出喧朱鷺入敝黃
扉班條按部布德申威人類
鵷鷺壽非龜鶴乳壺漏盡金
高標景落葆吹龍吟黼愜魚躍
鑄金模範為山葬霍前基已
峻凌盾弥隆作藩論道既王
且公踐霜濡露迢遠慎終敬

刊琬琰播美無窮

大將軍趙芬碑銘一首并序

隨蔭道衡

若夫搏扶搖而上九万者必有
垂天之羽翼苞島嶼而納百
川者必有出日之波瀾斯乃
大器所以懷遠圖宏才所以
膺重任故有出地出洛之佐

為梅為礪之臣竊諧帝道緝
輿庶績亦何代無人哉淮安
定公繼之矣公諱芬字士茂
天水上邽人也自瑤池御駮鈞
天射熊歷王澤而逢神登常
山而得寶縣積載祀莫靈不
絕十一葉祖融所謂荀令君

趙盪寇之為蓋時宇即其
人也高祖逸壯思高才雲飛
颺暨已桂人樞史筆不復架
屋施牀曾祖琰祖賓育或
頻贊藩雖屢罽銷艾立言
展事歿而不朽父備演分符
賜札樹德於名邦朱鷺丹
惟衰終於蒿里而獸雲起
皐繇出龍宿感周勃生公資
靈特挺氣稟純粹殊武仲
之木性偏實異文舉之金精
太多孝窮行本仁為己任崇讓
去我絕矜尚之心豁情順理無
喜愠之色先聖徽言味之而

不倦雕蟲小道能之而不為
物望坐高聲譽藉甚周太祖
肇開相府盛選僚佐引為記
室轉外兵遷內書舍人尚書
兵部郎贓乃應星人同披霧
豈直張燈流稱固亦覆被
見知周受禪除冬官府司邑
大夫又為陝州總管府長史天
府地軸二國並興伊洛靖函
百樓相對金星大宿芒角恒
動牙璋羽檄晝夜交馳公叅
贊戎機運籌幕府三川之地
呼吸而并吞九國之師遠迤而
不進加儀同三司仍長史徵入

朝歷御伯納言進位開府儀同
三司稍遷內外府掾吏部內史
御正三大夫天官府司會春官
府司宗領夏官府司馬封淮安
縣開國子前後任熊析二州
刺史公志識高瞻幹翮優長
遍歷群司咸居要重文墨堆
几主者環階照理若鏡明剖
滯知劔剖及旌旄杖節按部
班條家承禮教化致清靜東
夏平授相州天官府司會進爵
為侯大象元年置六府於洛陽
除少宗伯攝夏官府事二年拜
上開府進爵為公大隨飛名

帝籙九叶天序火木異行烏
龍殊蹄蹄開皇元年拜大將軍
東京尚書左僕射封淮安郡開
國公東京罷授京省尚書右
僕射三年兼內史令僕射如故
自金運窮祀華夏陸沈聖人
之軌則罕存先王之風格咸盡

皇上撥亂反正康俗振人標
明政典興復礼教公內掌綸
錦外司端揆若四嶽之遵行
堯道猶八元之輔成舜德方
驗大水導舟良臣見任巨魚
鱓
聖主得賢二年除蒲州
刺史加金紫光祿大夫以公

羊時耆邁故優以外任也莅
事四周風化大洽屢辭以疾
解職還京九年抗表乞骸
骨聽以大將軍淮安公歸第
仍降璽書魚賜几杖衣服被
褥板輿等皇太子遣使致
書賚巾帔等七種春秋七十有
七以十四年薨於京師之太平
里王人弔祭謚曰定公禮也粵
十五年厝於小陵原惟公靈
府內融虛舟玄運有礼有法可
大可久從政立朝五十餘載垂
纓拖玉卅餘官文馬華軒不改
素土之操當軸據要弥懷恬

淡之心方正確然風塵不染
清白自守脂膏莫潤故能名
行兩全始終俱美扶陽濟濟
豈得獨稱鼻相東都藹、自
可繼軌踈公而隨武可作餘
風未泯公業不亡析薪有寄
佐官姓名等仰惟感範畢志
不追雖良史德迹藏於東觀
尚書故事留在南宮而風煙
已合莫辨成樓之氣松栢且
摧誰知夏屋之所乃勒此高
碑樹之幽隧同扶風之下馬若
襄陽之愴淚其詞曰

長源遠曾出醫分秦文祠二客

襄祭三神縣紀歷代鍾慶累
仁不常厥土所在稱瓊潘美家
風陸陳祖德粵惟盛緒播此
淳則代襲衣纓門傳儒用仁
成里以信為國惟公降誕早
標風槩雅量遠情動無近對
研尋百氏下上千載立行憲尤
出言可佩繁數鱗祀報德酬
庸頻移人爵屢荷天寵黃扉
置府赤社分封堂高陞峻竇
著賓從斯命歸火謳歌去木
五運載新三靈改卜蕩滌區宇
澄清塏躋任忉股肱誠深恪
浚漢委四竒魏導五俊居今

望古綽有遊刃應物莫明
持身淵慎名教斯在風猷
坐鎮表上祝壽句芒賜羊三
達已具五福無憾高情知
正大璞能全蘭陵金散沛邑
車懸千月易往一生俄度白
日滕城黃腸霍墓石麟詎起
金雞豈呼銘讚恒存聲塵
永布

驃騎將軍王懷文碑銘首并序 薛收

蓋聞惟生為貴輕之者類於
鴻毛非義不居取之者同
於熊掌當仁處命不其難
乎故餅儻不羈之才莫竒傑

立之士違々重志業落達功
名心貫金石之中氣逸煙霞
之上雖則山淪海覆霧卷塵
飛儻節捐軀蹈之由已斯為
美矣豈徒然哉若乃寡廓
千齡柳揚万代獨顯非常之
効以終國士之恩高烈振於
遐年義聲聞於當代則騁騎
王君見之矣若諱懷文字思忠
太原祁人其先姬氏周室之
胄水府山宗之秀載挺瓌奇
角水府山宗之秀載挺瓌奇
瓊林桂苑之華夙承休祉騰
芳上莖流慶後昆故能異

人鬻起雄圖間出祖魏常
山郡主薄傳野並富量沈深
養名蓄德父膺齊儀同臨
邦鎮將風格凝峻居仁蹈禮
並藏器於身蘊材傲俗君騰
精玉守稟性金方少負不資
之質長嬰斫施之累跼步通
衢載翼中野矯迹嘉遁行
運觀時暨炎曆將終皇猷
奕德生靈阪蕩翦為寇亂九
縣區分四郊多壘君攘袂激憤
袖戈抗節既濯鱗羽思遇風
雲是時四柱方傾共工之難尚
梗五星不聚漢祖之業未隆

空懷耿介之心猶阻奔蹏之
路劉武周滔天猶夏荐食晉
陽宋金剛剽邑屠城捷惡汾
浦乃以君為偽上柱國行軍
愬管非其好也君久悟焚巢
恒思擇木終觀投石未安累
卵行危苟免言遜俟機

太尉秦王建旆東轅元戎北
指出九天之外引百勝之師
星駭雷駭剋平大憝既乃烏
合為群俱同鍛駟獸聚之內咸
遇翦毛而一面開羅三駭致禮
捨鉤焚櫬特降優隆光被寵
榮式加殊命乃授驃騎將軍則

大唐武德三年也王充負譽
青丘流氣紫極屬南巢放梁
之始西伯事殷之初窺覩非
異妄干大寶 聖上愍茲黎
首情軫納隍救彼淪胥思同
濡足吾王奉遵廟筭受服但
征蘊金遺玉鈐之謨運沙城
石陣之略鑿門畫閫指定舊
都君乃陪穎戎麾俱參列將
自毛師浴汭結壘印山醜類
逋誅屢祀旌旆若鷹鷂揚
視展効獻切未極千里之塗
翻垂六鳥之翅鍾儀去楚不
捨南冠華元入鄭未通文馬

王充置之左右情加推信仍授
偽官兼優封爵君乃詭同背
誕密運忠規潛圖去暴庶恢
茂績方欲梟除元惡贊我大
猷越以四年二月王充悉具步
騎出至城西吾王凜載觀兵與
其相遇旗鼓雖布鋒鏑未交君
乃獨斲神謀先騰壯烈袖戈
電擊撻劔風趨決機兩陣之
間申威万人之上發則貫其
左股再申而折其右肱凶魁
僵仆應時顛趾奔鯨赴穴桀
犬如林以無因之迹駭不存之
地莫不眩目驚視廢手頓足

雄夫爲之亡曹極土於焉累
氣流光奪景浮雲變色味益
數步之中躍刃重圍之下以直
制衆援阻路窮交鉞莫禦結
纓終斃於是聲嘉 玉冕悼
感瓊枝四國嗟傷三軍悽愴
司儀奉命致禮輜轅賄賂所
加特超恒典切書天府爰降

王人

詔贈云官謚曰云公禮也

君質茂松筠心標鐵石慷慨
有丈夫之操磊落懷烈士之
風運偶物艱時鍾德喪闕節
高度不以細行自拘爽氣通
才方持雄略為重屬兵車九

合齊楚之地未寧天下三分
高周之道初草君乃屈迹抑
憤與俗沉浮違亂去惡歸
身大造既荷生育之賜方酬
出岳之恩契闊無虧造次
斯在發忠顯効殉主捐軀
登太行以未危怙焦原而不
懼故能抗逋藪之敵怨破天
誅於巨猾雖則荆卿奏曲空
進燕圖豫讓吞聲唯驚趙
駟翳素之側載懷惠輔氏之
結草酬恩比事論功固不同
年而語矣吾王重義敦本情
深嘉尚永言遺節有邁前

備以為紀績。詮名尋章之盛。
範鏤鐘鐻。斯邦家之弘訓。
乃命勒茲玄石。式達豐碑。樹
美無窮。垂芳不朽。方見雲
飛。幽隴飄飄。興生氣俱浮。吹
動孤松。蕭々興餘風。共遠其
詞曰

於穆顯宗。肇分姬姓。休緒曷
奔。靈源斯盛。鶴舞周儲。鳥
飛藻令。流福所響。傳芳遼
夏。木禿喬林。波騰巨壑。莫
奇。奔載傑人間。作是日趨。
材茲稱勇。略稟質。儻儻遊
心。廓珠囊掩曜。玉粲騰

暉霧擁玄闕虹貫紫微一人
喪道地庶無依逝莫以騁翔
而未飛皇運膺期帝圖惟
始野有龍戰人同燭起望阻
昌期迹淪千紀處異信國居
非仁里姦魁放命肆淫汾陽
推轂台鉉授律文昌威宣取
亂績著侮亡氛稜既滅遺
梨以康雷作既解風行斯澳
承茲渥澤去彼危亂躍鱗
清波厲羽霄漢乃優寵秩方
隆榮觀緼菑繼慝稂莠為
群嵩卬地阻伊洛川分五榮
命將六郡興軍言從戎政美

展鴻勲桓、正夫蠶、窮寂
舉斧未弥吞舟猶漏墮伏
無虞前茅爽候翻蓬鮭本
乃同夷胆違邦靡貳苦節思
貞志除封豕庶翦長鯨神機
奮發竒略允成惟義是蹈茲
軀以輕烈氣外揚雄規內爨

拔棘超距橫矛每事渠魁既
接葶黨咸暨劔及王僚鏃
加吳淖人稱韓相地日樓蘭
梢生怨府建効鋒端論切彼
易語迹今難致命所欲垂名
不刊森、壯節漂、風度易
水方寒邛山永暮月照泉戶

煙浮松路唯餘俠骨傳芳竹
素

文館詞林



卷第四百五十一

校書經馬
文彙
二
用
為
公
類
院
書



文館詞林卷第四百五十三

碑卅三 百官卅三

中書舍人賈憲纂圖史文館學士上柱國高陽郡開國侯許敬宗書奉

勅撰

將軍三

虞南^世左武侯將軍龐參碑序一首

褚亮左屯衛大將軍周孝範碑銘一首

并序

隨車騎將軍汪元始碑銘一首

并序

隨右驍衛將軍上官政碑銘一首

并序

左武侯將軍龐參碑序一首

虞南

昔者彤雲受命樊灌佐其
雄圖白水興王耿賈宣其
上略並能耐羽躍鱗培風
激水誓丹書以逮國錫青
社以開基居陳五斷出馳

千駟盛矣哉功臣之為貴
也眷言前烈疇能踵武嗣
斯風者其淮安化公乎公
諱字相州鄴縣人也靈源
導於姬水胙土因乎魏邑
戎備文仕晉先命服以享
大邦戎習武遊梁握兵符
而居上將自斯累棊徽猷
相踵洛下名相仲達顯其
龍章襄川奇偉士元騰其
驥足長戟高門軒冕相繼
形諸雕篆可得言焉曾祖
公齊中散大夫陳留太守
登高能賦凌雲之氣已道

下車布德甘露之祥斯表
固已陳諸往諒紀乎前載
祖人齊襄城王西閣祭酒
鎮西將軍父北海郡丞
正議大夫並德業相傳家
聲不墜清談篤論芬芳無絕
用能載挺時俊克昌先緒

公體膺景緯氣稟英靈容
貌都雅風神秀異資忠履
孝彰於臨綺之年武藝雄
才見於幡旗之日鸞孤妙
於百中擊劔踰於千里於
是氣蓋山東名馳海內思駉
龍媒用申鴻漸豈直梁甫在

咏上觀長吟而已哉弱冠為
左翊衛執戈武帳整芻荼聞
便煩左右爪牙攸屬遇矣德
無象雅歎其亡雕騎隨滿月
之兵鷹門列陰山之陣公頻
駮七萃出自九重右控六鈞
左揮雙戟莫不擐旗執醜後
殿先鳴勇冠當時勳高莫府
蒙授朝散大夫既而霧昏九
縣塵飛五嶽戎狄交侵藩維
內侮公乃銷聲晦跡言念卷
懷語嘿沉浮用觀時變及欽
明在運銜綸維始益津同德
之侶沛邑大号之初莫不扼

樂爭趨奉國歸命公早達興
亡風布誠款乃贏糧景從憑
風撫翼于時天步猶艱王途
尚梗偷名竊号蝟起蜂飛公
每羽義師率先銳土銜枚束
舌夜襲晨趨沉舟焚次義
無旋踵氣奪九軍戰同三捷
以平霍邑之功蒙授開府
儀同三司薛舉負阻秦川
凶徒甚盛仁果嗣虐同惡寔
繁爰降神武翼行天罰公類
率精騎亟引軍鋒入地道之
九重超石城之百刃踰艱履
險奇績居多捨爵冊勳帝用

嘉正蒙授大將軍以馮異之
譏擢加衛青之榮号論功
序爵朝章斯允值馬邑妖
氛侵擾疆場龍連酋長為
之聲援陳稀彊兵尚毛叅合
盧芳壯騎或喻高柳乘折
膠之氣磬引弓之力元戎致

討遠臨句注公將率義勇親
稟宏謨躬先士卒奮不顧命
雄劍長駘大穢凶醜王充阻
兵怙亂竊據伊湮赫馬河華
連鷄趙魏相王宣威聞外杖
鉞斬門公以前茅左矩奇兵
深入凌孫瓚之嚴城絕王難

之甬道元惡尅弥厥功斯及
及取劉闡於洛州破徐貞於
究邑常隨大旆每翼轅門權
堅陷陣所向披靡拔幟揚
徽隨拂應變殊勲茂績大
碣河山蒙授上柱國封真定
縣開國侯五年以久勞戎陣
奇功克舉優秩仍加用彰勤
蒙授秦王府左三翊衛府右
車騎將軍七年授秦王左一
副護軍其年又補左內馬軍
副惣管九年六月以蒙預艱
難効彰忠欵蒙授左衛副率
其年七月詔授右驍衛將軍

其年九月改封安化郡開國
公皇上膺圖邇歷臨撫萬方
永言惟舊恩榮弥重仇牙任
切僉議匹歸貞觀元年七月

詔授左武候將軍居陪闈綺出
導金輿式式道之青旌引金
吾之縫綺戎麾文物光暉朝野

方當比跡韓吳齊功衛霍陪王
檢之封翊輦圖之駕而銜珠
表瑞弗永於百年坐樹留名氣
傳於千祀弓韻明月之暉劍
滅連星之氣精粹所稟何其
從歟以今貞觀二年六月二日

遘疾薨於雍州長安縣之安

仁里宅春秋卅有五 皇帝悼
深衽席恩同詔祭贈公官謚
公公禮也惟公少稱弘量喜
愠不形尤長武略仁而有勇
及感會風雲立切成務讓虛
下物始終無改雖復開羽有
國士之風祭遵懷儒者之操
無以加也粵其年十月甲戌朔
廿一日甲午寔於雍州長安
縣之公原遺孤蕪然不勝擣
暮同氣友睦弥庸急難屢達
豐碑式鏤不朽宣令名之至
涿播遺芳於可久乃作銘云

缺

左屯衛大將軍周孝範碑首

并序

褚亮

名夫聖人有作實歷應期
賢傑於是降生叶贊以之同
德望方邵而長想超韓白而
高步彌成久大之功資亮邦
家之業騰芳前古垂裕後
昆身與朽壤同弊名隨鍛帛
俱遠俾無愧邑其唯誰敬公
乎公諱孝範汝南安成人也
姬水降祥惟王於是建國周
原命氏因生以之賜姓積德
綿遠歷載德長公侯繼及褒
絀重映主射雄辯頌美於秦
君絳侯質直終安於劉氏室
先之竭心土佐子隱之勸節邊

壇自斯已降可得而言者也曾
祖公梁散騎常侍太子左衛率
廬河二州刺史保城肅侯早標
譽望雅有幹局用能杖節權
旄樹功立事祖陳車騎將軍都
督八十二鎮諸軍事定安二州
刺史武昌壯公張幕臨戎塞
惟在牧殊動表於甲令茂賞
感於博史父公隨大將軍使持
節永桂雲三州總管卅一州諸
軍事左武衛將軍譙僖公舊
德非遠汗竹紀於聲芳遺愛
所存甘棠表其歌詠自保城
著績武衛安邊宣條千里於此

三業繼踵方牧時論榮之公惟
岳降生含章秀出湛機神而
內融肅摛宇以外峻因心本孝
之義發自天資率由立身之
道匪因傍習姿貌疎傑容心
方嚴程中苞不測之量毅然
有難犯之色兵書軍志雖不
學於孫吳嘉謀遠筭自追蹤
於衛霍弓矢盡蓋迹之妙騎
乘均王濟之工州閭推其敬
讓宗咸歎其渾厚美譽所歸
獨高茲日隨大業三年起家
齊王典籤其年授交趾郡司
倉書佐趨賊藩寇出臨荒裔

冀北之步雖涉於康衢圖南
之舉未申於慕廟于時炎精
已季云徵將地公卷舒其德
沉浮體命殆均亭伯遂遠出
於遼陰更似文休亦竄身於
外甯及皇朋草運品物咸亨
越自遐方歸于京城 主上昔

在雄城任隆分侯撲燎原於鍾
岱止橫流於溟渤遠求時彦
用清中夏公亦推誠霸王要
質興王附翼之機因搏風而
自遠鯀鱗之致與委水而爭
擊武德五年授 秦王府右
庫真車騎將軍君右之舉

諒侯勳賢析衝之任乃昇惟
幄公之此選寔允得人九年六
月改授太子右內率仍檢校
北門諸仗宮率精兵見稱歷
載儲闡豫武允光顯職奉雞
戟以趨侍肅龍樓而巡警其
年授千牛將軍封宜春縣公
食邑一千戶地擬封君榮超
戎秩將軍之禮寵賜比於命
卿建武之選名號隨於制敵
貞觀元年授右屯衛將軍於
至武門領兵宿衛仍以奉職
出使北蕃宣揚國威晚諭邊
俗班奉四條之書肅清万里之

外使還又領宣武門內左右副
仗肅鈞陳於中禁排闥闔而
上征羊祐之握兵機典聿之
統軍帳任寄之重恩私罕匹
五年轉授左衛將軍襲爵謹
郡公加邑二千戶乃司欄釘奄
有茅賦象賢先於繼及承

基盛其出字六年以奉官檢
校殿中監事公累昇顯授所
在勤官故能入司武職兼愬文
吏人資才幹任華宮省公勵
精為政見稱明察七年興駕
幸于九成天駟觀風毛警尤
切神居所寄程柝斯重乃與

左僕射至齡同掌樞禁昔漢
后出征馬防留後魏帝巡幸
徐宣統兵方之往賢之稱連
類公勳志竭誠言則不隱嘉
謀謹議知而必為中旨勞問
寵賜優洽既舊抱疴恙遂淹
氣序爰如邁疾載迴 天睞

於是加授左屯衛大將軍封膏
如故方且羽儀當代并鑿具
僚成大夏之棟梁濟巨川於
舟楫而夜臺忽掩朝露已晞
未勒實憲之山靈終畢萬之
燭七年薨於京師 天子為
之輟朝追悼者良久乃贈工

部尚書餘並如故有司考行
謚曰敬公禮也惟公識量明
遠風神爽發蹈德無怠率
禮不違絜操乃出於冰霜貞
心有踰於金石至於鄉閭之
教規範之言石慶愧其餘風
王祖慙其家法非典暮之書
弗尚非忠信之言弗踐輕劉
德之貨財重孝布之然諾終
如一心涉歷二代口絕臧否行
無玷缺加以長於武藝妙識
兵機金壇奇正得之於攘柅
玉鈐攻取無勞於積習祭遵
儒術未足方其雅歌曹仁習

勇纔可用其勝自臨戎御衆
莅政當官節約以檢其身寬
和以接其下不矯飾以招譽豈
乾沒以徇私在公必聞奉上無
隱焚書草而方奏問溫樹而不
言趙武之情留管庫晏平之
祿及朋友而主化旋促芳塵
不追授華致其掩泣下機所以
流恨豈非有始有卒立功立
事者哉即以英年永定於萬
年縣之某所三河甲士選陳出
塞容五校饒歌猶奏旌軍之
曲覘山之拜弥懷於舊思原
氏之阡更開於新道公早著

款誠夙展勤効沛公初起蕭何
舉宗而有歸晉祗擊基何曾
在朝而盡敬故能特昇爵位
偏隆寵渥書社千室享祿萬
鍾曲旃雄戟之重文軒銷弩之
貴當代近臣罕出其右薨徂
之日朝野興悼思加丘隴禮備
哀祭爰命有司立碑隧道昔
者西漢殊功唯頌美於充國
南宮舊事以畫像於仲華未
有勤茲丹字旌斯重地發自
旨衷永胎相質天古地久
與時代而長存石散金銷隨
風歎而共遠同夫庸器之典兼

取睢戈之義銘曰

縣縣姪緒弈弈幽風克纂遠
胄惟茲懋切家辰台表人出
才雅祖考載德勲庸在躬是
為人譽復紹名公盛業長祀
猗歟積慶誕斯明哲實標莫
今孝資感仁由天性潔比清
沐皎同懸鏡蒲庭入仕水鄉從
政勇冠秦隴聲馳函洛譽美
邈外績宣臺閣運逢霸道時
惟聖佐乃司禁衛兼謀惟惺
寵越等倫思踰藩岳天爵斯
重時榮已隆是惟顯職兼司
禁中竭誠奉上捐私徇公勵

行無怠當官匪躬文能附衆
武實収功人擅榮寵族華邦
相迺求懿德惟人之望職重
中軍名超列將摧梁奄及
禕才長喪油素傳芳丹青
表狀逝川不息拱木行陰猶
迴慈悼尚結神襟恩加陳席
寵越遺箸追榮愍洎榮贈
交臨化運長往空嗟德音百
身靡贖千載猶生沒貴無朽
唯茲今名銘開古石地上新
塋年代滋遠上陵或平瞻言
芳烈永樹風聲

隨車騎將軍在元始碑銘首

并序

褚亮

昔姬文政典司勳詔於旂常
魯史策書大夫稱其功伐
洛師鏤昆吾之銘尸臣鑿栢
邑之頌然則紀迹庸器必俟
非常之功騰芳彛篆用資可
久之德況乃殞身徇節捐生
立事奮於百代之上裕乎千
載之下而無刊勒者哉公諱
元始字長節南郡江陵人也
若乃執珪思越非重上卿瘞
金入楚實交窮巷武彊命社
乘助顯於西都會計臨人侍
從先於東國冠冕之盛可略
而言者焉祖公義陽太守父

咸湘東內史並泛涉儒書尤
曉兵略威之大父靈福亦守
武陵剖符千里於此三代公
降靈秀發資神挺生爰自
髡綺已標機悟通家李尹
驗其占對可觀即座顏回歎
其風規獨遠長而異量雄姿
角立傑出苞權豪之遠度蘊
將帥之奇材長劍博擊之機
短書從橫之術鸞鴟蟬翼之
妙登輦封之巧有一於此公必
兼之仕陳之日歷官藩府起
家宜都王國常侍稍轉內兵
叅軍屬王師伐陳江表初定

公乃奔竄句吳山林屏迹而
江湖殫亂輕慄合從聞越潛
城邑平起公乃避地餘杭志
在宣力值吳興逞賊攻逼州
城梯衝俯臨資援外絕公身
在窮圍受屈強寢土有飢邑
人無固心而三令已明九距兼

設分兵決戰遂翦妖徒一州
獲全實公之策軍師議賞乃
授儀同三司高智慧佐亂吳
州同惡相濟舳艫巨水旌旗
不絕時越國公為行軍元帥
交兵浙江雖豹略之機決勝
千里而烏集之黨猶思一戰

公受命軍門先駮銳卒運
習流而直指檣戈舩而長檣
奇兵電激凶徒凡解逆賢崩
潰分窳海隅公又從元帥輕舟
遠襲山谷首豪應時殲殲水
陸阻憑隨方勦定更授上儀
同三司訖加開府於是乘傳

入朝毛衛宮掖恩踰上等禮
出舊臣吾君既晚入之榮黃
權乃從公之貴俄授車騎將
軍仍從趙國公北伐大俘醜虜
振而歸尋丁湘東君憂哀毀
為疾從權奪禮還攝本軍
而獯羯未賓侵擾邊氓仁壽

元年越國公愬戎出塞公任
在交軍復隨莫府故以再從
驃騎兩出定襄屬伯初於偏
師隱子顏於敵國及大軍轉
戰黠虜縱兵砂磔風飛矢石
雨下公潰陳深入輕騎獨先利
劍之所奮擊長戈之所仆斃

莫不高潤野草屍橫亂麻
辯駭表旃扶傷救死銳氣驕
賊臨難忘身殞於虜陣春秋
卅有六天子聞之臨朝不舉乃
詔曰車騎將軍元始氣幹標
勇襟神果毅情深為國志在
忘生竭力戎行功立身殞興言

壯節有悼於懷宜追加榮位
用申賞典可贈上天大將軍
喪事隨由資給仍以本官開
府迴授適子永興有司考行
謚曰剛子禮也惟公早叶英風
夙標遠槩資德率禮履信基
仁出言為九斲之貴恤患輕

千金之產建乎五勲江外位
穆台階肅恭奉上廣潔御下
故能竭誠邊幕流慟宸襟使
者降斂哀之祭冊書隆加命
之典豈非忘生踰義臨邑盡
節者哉以今二年三月六日
葬於涇陽縣之神狐里阡臨

京地地擬德陽五校發銃歌
之軍十里開賜瑩之所博陵官
屬尚惆悵於王沉謁者護喪
實流連於鄧訓僉以陳君物
範且勒潁川之碑張氏孝廉猶
書冠軍之碣況乃勵茲近俗振
我淳風節士慕義懦夫成勇

言之不可以已其在斯乎乃刊
志清徽樹之神道俾夫披文
相質知皇代之有人焉銘
曰

梁楚華胄卿相高門悅拾青
緩奔茶朱轡祖考積德踵武
洪源洪源寔長有此人良鷗

年岐嶷綺歲珪璋高風凜凜
逸足昂昂滯九百封披書五
行賜璧遊趙明珠入梁宗京
黍稷舊社淪亡獨往攸貴自
得為塲吳越輕心寇賊交侵
連衡浙右阻亂楛陰我有奇
策偏軍平臨良圖外斷英勇
內沉轉鬪千里觀櫟七擒台
儀巴峻帝寵尤深麾下騎士
兵毛羽林權烽夕照絕幕從
戎登蛟氣憤躍馬心雄腰橫
楚劔項縱秦弓酣戟力屈長
驅路窮傷情邊塞結悼神躬
策命追遠絲言飾終哀榮禮

備贈賄息隆曦結將掩龜謀
已同旌旒照日鏡鐸舍風誰言
不死貴在銘功

隨右驍衛將軍上官政碑銘首

并序

褚亮

若夫楚都為寶蕙璜於是
不貴梁國攸珎明珠以之非
重賢臣者為政之樞機佐時

之棟幹勢鳥累百無申搏擊
之功良馬日千乃見康衢之
力至於勲書紀狀業著司庸
存公五事之臣沒稱遺愛之
美則上官使君其有焉公諱
政字匡濟京地公縣人也其
先惟德受氏因官賜姓青史

孤其長源丹戟傳其遠葉子
蘭楚國之大夫桑樂漢家之
令望自此蘭芬挂馥玉閨金
莫軒冕相繼賢才為伍九代
卿族既已慙華七葉預鮒信
其殊寵王父公魏使持節大行
臺原州刺史布教文昌之宮

儀形列岳之選切宣昇斷道
冠生靈父公周使持節大將
軍公州刺史象賢以德受爵
惟仁盛業存汗竹之書餘風
表甘棠之惠公夙承基緒早
播聲芳協膺運之雄姿爰託
靈而秀出皎皎奇節昂昂異

雅性與江海同深莫風隨寒
廓共遠孝友之行道高於楮
岫退讓之心譽結於卿壺枝
彈劔史學兼翰榮孫子短長
之術魏君梅爰之書巧射匹
於陽元善騎同於武子縱情
儒業遊藝翰杖蹈道必於仁

厚結交崇其信義弱冠登朝
備名獨遠天和元年召為右侍
上土其年月改授折衝上土于
時王業肇基霸圖將構妙策
賢傑允屬勳庸公劬勞草昧
竭盡心力依日月之末光騰
攀附而長想大象二年奉別

勅依儀同倒是日勲舊乃披
荆棘獨升朝伍弥蘭帝心及
草命從時應期詔運宗昌特
拜既可為倚何曾盡禮尤其
相匹開皇元年乃授儀同大
將軍賜爵安養縣子第土之
恩爵頒五等蒲壁之美榮高
一代五年授左武侯車騎將軍
八年以本官兼長春宮惣監
式道之官實須禦侮離宮所
幸必資供糶十六年授左備身
府驃騎將軍十九年改領右親
衛府驃騎將軍惟左惟右兵
兵欄於是得才或內或外鈞陳

以之載肅仁壽元年獯粥孔熾
控弦犯塞烽火通邊薄伐之
選非公勿可於是奉詔徂征
鞠旅深入結武剛而為陣運
衽席以致兵出其不意忽然
相接將士用命思蹈湯火斬
獲不窮遂殲畢兇十一年進

授上大將軍改封義清縣開
國公食邑一千五百戶加地
進律榮勳命賞戶口歲其租
入先寵備於朝章三年授左
備身將軍四年以本官檢校
慈州刺史事于時晉陽搆亂
妖氣未靜漳滏之寄心膂攸

歸公式遏寇虐廓清遐迹開
河克定趙魏無塵於是黜吏
累戚小人懷惠龔杜之化諒
在茲展賈邠之風固其懃德
大業二年授潘州道行軍總
管憬被海隅不遵王略公執
鉞偏師宣威外閩除其氣亦
遐方靜謐三年徵授左武衛
將軍項之又授右驍衛將軍
升降形闡駟馳紫複聲稱斯
遠朝野穆然其年普班新令
官号初改於是更授右光祿
大夫將軍如故及臺駕西幸
怨其南征轍迹所臻方任允

切於是又以本官檢校西平
太守壘場偏隅竅戎樓境公
導之以德齊之以刑歲狄相
趨繼路而至釋究理訟無勞
於鈎距以寬濟猛不行於皎
察得經邦之妙旨識美化之
有由可謂共綏兼稱能吏求

之古人若無愧色循良之化
載暴於天朝脩短之期奄捐
於人事上主輔善旣已無徵
勾芒賜壽豈為誠說么年么
月違疾薨於官春秋五十有
五天子輟朝不舉追思將帥
之臣萌庶罷市相悲同興環

缺之恨有司考行謚曰某侯
禮也惟公早契宏圖夙標令
聞天經地義得之於自然踰
德依仁匪由於傍習廢潔不
私精慎無念莫窺喜愠罕測
提封履行斯和所交必信見
慈如由已聞善若順流寬裕
足以容衆矜莊可以勸物既在
貴而能降賔居榮而好讓爰
初弱歲洞曉兵略攻取戰勝
之機隳城陷敵之勇每至營
圍却月氣析寒膝矢石如飛
旗鼓相望公則雅歌臨陣揚
扇從戎威稜獨遠隱如敵國

加以終始一心駟馳兩代並經
征討屢典軍人去必見思居
常稱贖故能服冕乘軒獨
榮當代擁旄杖節垂譽後昆
豈非斯人之秀土有國之良翰
而道長運短零落無時一喪
名賢同悲殍悴即以今十一年
遷葬於京地郡之縣之平原
古者王臣之勲必書方策貽
厥之義式銘鐘鼎前志有之
足以明鏡言之不可以已其在
斯乎嗣子之等在家惟孝登
朝必聞上弘思親之道傍求紀
德之事於是刊石宣風永貽

相質頌曰

辰昂降精人物之英門多才
秀族有公卿永錫流祉繼迹
揚聲逸駮華敷乎委長纓
迨茲今肖竒姿挺生盛德祀
長屬在人良黃中岐嶷青頤
珪璋如彼鳴鳳曜彩朝陽如

彼振鷺矯翼高翔闔室無
怠幽宮獨芳心齊竹柏操檝
冰霜徒橫劒杪避息文場切
叅霸業榮定勤王董司軍
要展力迴方式陪蘭綺著績
衡漳勳存賞冊勇冠戎行申
威羽野尅定邊荒時逢交泰

運屬重先巡警載肅劬勞
 以彰出典專城方隅廓清屢
 權封豕亟翦長鯨一年請借
 暮月斯成銀黃威寵金爵
 餘榮悠長運促促浮生運龍
 堙沒送鴈衰鷺陽陵卜地
 洛涘占瑩藏舟不固深谷
 終平死而可任惟茲今名

文館詞林



卷第四百五十三



文館詞林卷第四十五

碑卅七

百官廿七

中書令太子賓客蘇修國史和文館學士右柱國高陽郡開國公臣許敬宗等奉

勅撰

都督一

東晉孫綽江州都督庾冰碑銘一首

并序

東晉張望江州都督庾翼碑銘一首

并序

東晉伏滔徐州都督王坦之碑銘一首

并序

梁孝元帝鄆州都督蕭子昭碑銘一首

并序

北齊魏收兗州都督胡延碑銘一首

并序

都督一

江州都督庾冰碑銘一首

并序

東晉孫綽

君諱冰字季堅潁川鄆陵人也氏胄之由累葉之載
固已被於竹素播其名跡矣君則左將軍之子太尉
文康公之季弟也喻嵩巖之玄精挹清潁之潔流貞
質侔於白珪明標屬於南金少有令規元兄器之常
以為庾氏之寶有晏平之風司徒辟不就博士徵秘
書丞封西陽縣都鄉侯司徒右長史吳王以母弟之
貴肇建東藩守相之任寔杖親賢乃授吳郡內史望
鏡而清夙興踰時而仁澤洽蘇峻之亂京都傾覆君
乃東奔會稽遂與諸郡同舉義兵于時豺狼縱毒寇

文館詞林

四百五十七

黨焱熾正旗雖抗衆心猶帽擁徒保險穀於勅敵君
厲色攘衽請爲前列驅烏合提偏師徑據舊都推鋒
西進抗封豕之衝振熊羆之氣東夏克濟君有力爲
又遣司馬滕舍先登石頭擁衛乘輿奉迎鷺蓋忠勲
之至寶簡帝心進封新吳縣開國公推而弗當除給
事黃門侍郎退而弗居出撫會稽加振威將軍尋增
号征虜君明允貞固達於從政化行二邦式範千里
雖勃海之歌龔遂潁川之詠黃鼎篋足方之徵領軍
不就朝議以君器充廊廟幹周時務可以弥綸政道
叅贊皇極遂徵還臺俄而加左將軍揚州刺史中書
監仍除使持節都督揚豫兗三州諸軍事雖名器未

極而任盡臣道正身提衡銓枯百揆知無不爲謀必
鮮過端委侍且則有心宜孟約已訓儉則椒議季文
夫吐剛茹柔執政之所易枕矜已尚人乘威之所難
遣君平坦無私勞讓宜欲當時之所難於君而易之
矣於是慨然遠覽量已知退高揖帷幙投跡藩屏杖
節都督江荆益梁交廣寧七州諸軍事車騎將軍于
時南夏多故賦役殷興万里蕭條人亦勞心君乃休
之以無事綏之以惠和政有亨鮮之詠人懷寧一之
歌沛若洪流之引枯鱗淪若時雨之霑塵柯建元二
年康帝崩徂北庶喪氣朝野莫憑太后遣大使徵君
輔政以底人志將寄周霍之重當阿衡之任君固執

遠圖確然不迴冬十有一月九日薨于位臨終存國
思不出位遺制恭謹廢情尚義夫良王以經焚不渝
故其貞可貴竹柏以蒙霜保榮故見殊列灌正而不
亂者有矣未有亂而弥正者也考終以澄始即事以
徵心少長能一其度貴賤不二其道文康文雅固於
是乎弘著矣皇朝震悼有識掩涕誠以良臣既喪國
有弥悼之虞棟折榱傾人懷塵馬之懼致感之由豈
虛臻狀迨贈司空謚曰忠成礼也故吏王某等哀哀
龍之虛襲慨皇維之不綱授甘棠以興慕思自同於
三良乃攻石樹碑以永刊洪烈其碑曰

洋、浚潁巖、神嵩流滌潯氣嶺扇祥風萬生公侯
情虛位充臨川椒潔仰華思崇凌險斯夷屢滿能冲
方恢遠猷皇極是贊進陶玄氣退康時難繁霜夏被
循梧摧幹仁之云徂朝野銜歎如或可贖人百其筭
儀形永戢光風長煥

江州都督庾翼碑銘一首

并序

東晉張望

君萍翼潁川雋陵人也其先帝鴻之苗周大夫庾皮
之裔高祖徵君抗清雲之皓志考左將軍執懿德以
熙緒遐曹啓于玄聖洪慶休乎百代是以徽風載芳
清塵繼軌逮君兄弟冠冕江左文康弘具瞻於前忠
成光人譽於後林蔚嶺秀之標川澄海納之度固已
式准羣英而煥乎當時矣君吸軋剛之純氣誕命時

之偉姿清粹聞於志學英凡暢於立德孝友通乎神
明安懷著於耆胤宇量淹通識具融達明鑒燭微而
不矜昭晰之容高朗弘豁而不浪放逸之跡道味玄
詠則擯筌乎象繫之津墳研典析則慎微於五教之
域器掩物軌度貫衆藝儀領峩然若衡岱之標秀踞
神氣充暎若清霞之爛朝陽蔚々爲昂々爲寔期運
之挺根而縉紳之領袖也始辟太尉掾參軍從事中
郎翻翻芳澤風集台林雅杖希夷緝和鼎味洋洋然
其猶波瀾之潏長津也時預謀克捷酬庸班爵封都
亭侯除鄱陽太守舉納遺事政存享鮮尋遇元兄太
尉推轂陝右董衡存存而榮非所甘於是懷親忘祿

巾褐而歸龍盤家巷放心嘯詠西伯之受恭行也望
境而興懷焉尋建脩邾城以庇人拓土以君為建武
將軍西陽太守董率三軍披榛立政未及朞月而惠
納着矣于時沔漢不靖庸蜀內亂江陵居二寇之衝
握進禦之會伐罪固藩望鍾隼哲於是銓衡羣寮精
簡高美以君懿親之秀遂應邾子之選遷使持節領
漢南蠻校尉建武將軍南郡太守尋轉輔國將軍播
徂荊川陶仁舊郢踐境而敦喪葬下車而明黜陟推
略形勝之幾整鋒運武之要承親英伯屬當奮伐甫
將抗旌西指先滌江源而遇太尉傾祖朝野震懼闡
外之重匪賢莫倚乃授君使持節都督江荊益三州

諸軍事安西將軍荊州刺史徵還武昌以鎮盪內外
尋加荊益梁雍司六州都督君常以地接辰極乾
惕感滿雖諸昆守之以道而冲忒之誠弥至每在出
處之際未嘗不雅思進心而先盡讓挹之德也此務
所纓於斯雲萃故專征興復之勤遂讓夷而當之矣
于時初喪元輔畿宇殊瘁羈虜承間狼逸郊境烽燧
屢舉人無寧心君雖提衡嗣畫一之烈紐網振惟新
之緒申教官能終極邦域罷遊厭抑淫祀閱戎政明
始儀刑於闔城擢廢駿於沉湎考名實於庶績通艱
燕涼則二邦協連師之盟鷹揚六境則彊俠弭逋樂

之謀蒐練示整則五城縮安陸之戎奇師西探則四
壁退江陽之醜遐迹盪肅而凶黨震潰頻加江豫州
刺史君以為設位存乎樹賢、並所以周務窳靈魚
荷弗之當也先夫固本正末大宣皇風濃化羨俗崇
善濟人申懲勸貳流津枉直惠加荒札仁興弔祭礼
信弘敷而邦域鈞漢廣之泳愛人平賦則坳野存史
克之敬德刑成矣下知方矣君以神州之難大恥所
存否終之會運存幽夏昏阨非盛衰之虞動戎勞射
隼之銳故緩崱山之罔而先河洛之舉於是乃厉義
声激羣庶樹爪牙連方鎮訓卒補乘圍境爰發省煩
假以紓人兼逋萃以充務農不瘳職而軍實以殷班

六
号終朝而區內響應飛雲盖汚連於千里倬二伯雅
統之逸尋方對急病之勤肅若長風之赴素節沛若
江漢之迴迅源也遂進鎮襄陽以逼臨宛許既乃杖
皇威以北躬據電發之機領長轡凡灑則万里應控
義声雲翔而遐外宅心明大順之師絕錐刀之捷峻
方城於千尋溝湯池於九仞浮粟屬於漢濱嘉苗蔽
於千畝杜津洑之姦制商夷之禁綏舊人之業重侵
掠之刑立典客以禮賓節芑鮮以簡復淳醪素投故
熊羆爭奮冬景柔暉而華戎響悅雖諸葛渭南之師
亞夫細柳之整方之箴如也於是革音回面之渠緜
負企踵之繇其猶鏃翮之歸鄧林涸鱗之望海澤也

轉持節都督荆梁雍三州諸軍事刺史如故尋加都
督荆梁雍司冀五州諸軍事征西將軍夫制寇存乎
控引故俯俸恭兼督之命名爵繫乎定勳故冲懷讓
加崇之榮赫乎投袂之雋誠勤王之遠略運之以
戎昭斷之以果毅雖竟泉未濂而寇審梟期雲單四
罩而鴉鴞待裂矣建元二年康帝晏駕俄而季兄司
空薨逝陽九垂消而釁剝累集願睇嵩華撫劔凡慨
擇狼狐殆發之機謀尚父旋軼之會皇基之攸憑寔
伯嚭是賴故且反旆江湄以鎮靖万里乃授都督江
荆司冀雍梁益七州諸軍事征西將軍領護南蠻校
尉刺史如故虽則鸞衡暫隄而宏綱振乎四維握勝

俟時而英籌懸於朱幘也是以明裁訓咨思融政道
摠括竒雋砮樹風声引彰表儀導宣礼則名教光被
仁夙四暢方將運神羅連絕蹤揮攬槍以電掃豁百
六之氛濛朗金精以熙玉燭贊璇機以一方邦豈徒
椒烈名陵方休踐土而已哉然後齊昭川巖投獻遐
想功遂迹喪凌風獨往景命不永春秋冊有一永和
元年七月薨于位天子震悼羣后舍慟伏傾仁委何
痛如之追贈車騎將軍蓋曰肅侯礼也惟君雅詠蓬
宇則極心冲寄解褐應務則偉績允熙運軌否剝之
極愬轡經綸之時疆理糾紛吐握日昊虽業連三辰
而布衣之心夷地兼危溢而虛挹之体隆疊乎乎彝

倫之領味盛徑之弘夙君寔光振之矣仰咨前哲俯
憚時難每喟然永懷何嘗不箠維匄臆標至公為己
任焉夫昆鼓之能究其勳姜邠之能遂其道者或運
階陽升或靈嘏脩祀惜哉乎天不弔雋轍与屯塗並
消宏規与促齡俱迷朝殞基棟之輔野喪弘化之豪
泉涸林拔鱗羽曷歸凡在有識建我臣故追述七德
永歌九功目想軌儀心存洪略痛神景之長淪悲哀
竟之虛設思鈞甘棠哀同黃鳥撫膺陶慕靡所寄心
乃相与鑿石紀德以恭揚徽烈其辭曰

玄象曰曜竟房澄景靈煖荆河氣渟嵩頰茂君侯
含章秀挺玉振流津金昭暉頰擬量浚川儀仁崇嶺

聳自鳳栖惠響播芳扇翻扶搖舒映朝陽懷之休邁
如彼霄翔遂撫衡漢抗我宏綱亶：遠猷赫：規宇
制陝恢略時惟隼輔四隣引領絕維翹武將廓軋羅
滌夷昏岨隆替靡期目應有會志朗蹕氣天衢俟泰
望舒滅罔慶雲消萬辰極掩暉蒼生喪賴哀貫皇穹
悲延遐外仁基雖淪英風永蓋

徐州都督王坦之碑銘一首并序

東晉伏滔

君諱坦之字文度太原晉陽人也遠源氏族之始帝
王則天之盛國史載之詳矣聰鳴鳳於伊洛知隱淪
之羨觀玉帛於西山仰丘園之徑爰自高曾逮乎烈
祖東海名位遠流繼軌二代考驃騎令公清貞簡正

名重一時高鎮夙流憲清百辟君承積善之純祐鍾
四葉之休慶膺皓粹以載莅資大和以陶量溥基隄
殖遠度溫潤枕藉道業不峻崇尚之軌含明內映不
以前識先物夫其孝友之性天誠特受道心玄默領
識淹深悟懷所屬必即象以存其致理思幽研必自
流以究其源加之以和中善誘觸類資通弘長之潤
彰於虛受之韻存當之心坦於廢已之誠故能周應
羣方而不渝其真泯然莫逆而貴賤有位望形者仰
聆而日親希夙者親契而弥敬由是声重弱冠風流
推美鳴鳩在陰道契哲王辟撫軍大將軍掾則蒞文
皇帝也自相府叅軍至于大司馬長史歷官有六累

職顯要固辭弗居誠約於明后屢讓光于朝野頃
之遭簡侯憂喪過乎毀殆不勝哀君子以曾閔之性
不是過也服終襄爵蓋田侯拜侍中領左衛將軍太
和之末天地革正咸安之際捨后云祖君以時望管
要綱繆主相之間熙贊盛明王猷允塞將翼勳冲陟
降無違山甫之勤至焉王臣之心盡矣轉中書令領
丹楊尹尋遷使持節三州都督北中郎將徐兗二州
刺史于時太宗登遐元輔仍徂決辰之間天岳傾落
朝野失圖四海喪氣可以保固皇根當代謝之寄者
數賢而已夫有餘於安則君子圖其高枕乱者求理
賢指以之馳驚君自澡身應位出內從容中道雅杖

九

夙体功務之事未之厝心艱運來属經綸在我援手
之興典事而至矣夫內康存乎外寧強幹所以隆本
北藩密迹任重陝東用輟心膂之要以應方邵之舉
君乃投夙駕即鎮淮徐其為政也推至公布誠心明
甄勸振義夙瘁引羣才虛衿日異約法崇信鍊真蕩
偽善之所存臺榭盡其心化之所被幽荒引其領惠
既沾而物懷令未周而無犯故淮岱之人靡然向風
隣境仰流邊虜思順忠武之在渭南鉅平之鎮襄沔
方之徭政異代同規矣惜乎盛業始基靈筭方申速
猷屈於促年仁功運而未融春秋冊有六薨于位觀
夫識契之土闔境之心莫不撫襟內悼咨嗟累歎豈

唯存亡致感人理之慟哉寔懼兼梁木而愛百於甘
棠也惟君惣角標秀体備德成素履謙約在隆思復
純誠黜至不異心於顯昧正情遠槩不染慮於風波
少而覃思易老停神幽贊婉想深興悠然遠對柔詠
一室理暢懷抱賈、烏信有以玩天下之顯而樂得
其志矣既乃感運龍躍仁為己任憲章大業緯範人
倫覽三遊之傷化故軌之以王度感放蕩之忘本故
檢之以格言臨危安命在終弥亮昭位音於二相垂
明鑒於千載允可謂撮心伊邠造次必於是者已故
吏姓某等陶漸日化伏膺訓範感一遇之莫尋悲道
融而切慶乃相与鑄石紀行以存厥實其辭曰

神理停照妙氣虛融括人乘和映秀黃中根由貞邃
德以深冲量苞淳致宇蘊仁風翼、素業陶我遠猷
泯、淹識會深應周枕藉儒道深緯六流標形者器
即心則柔昭德無迴運有夷屯皇上委誠百姓歸仁
慨焉忘已乃經乃綸舒翼一援大庇斯人望古遐憲
王業攸遵道之不融闔風其墜負景方昭中天絕轡
人亡孰嗣壓焉誰庇敢勒遺範式存騁蹄

郢州都督蕭子昭碑銘一首

并序

梁孝元帝

盖聞克明俊德元愷之臣具為思皇多士毛畢之佐
存焉由此論之昔者明王靡不咸樹賢戚俾立宗子
遵五長以御都鄙作六瑞而典邦國其為日也久矣

皇梁革命欽若前經於是制詔御史推恩分邑吳平
忠侯蕭公茂親明德勲功事勞故以書太常之旌藏
司勲之貳惟寧之美於是裕哉公諱某字子昭蘭陵
蘭陵人自玄鳥作猗那之頌白馬致萋苴之歌克黜
禍難然後保姓守氏締構漢主然後涉魏而東唐聖
挺賢英豪繼踵祖左光祿府君休王季之位考東陽
太守躬締紉之仁國有博史洋諸譜繫公惟嶽降神
才為時出寔川興氣翰彼于宣載色載咲異駸明之
言善一孝一友非陽子之負清道位功事兼諒兩陸
保家經國摠括二章息藝以依仁澡身而浴位解巾
調補齊晉安國常侍蓮武襲舍連步紉寧虽未鵬飛

十一

且資鴻漸出試永寧令岑鼎方泊牛刀始割日撫鳴
琴不以河陽為陋時檇雅賦更覺齊都為鄙永嘉人
胡仲宣等千人誼嗣清公為郡將欲許焉齊氏以長
沙宣武王勲用公為步兵校尉公親黍離之際木運
不長故遠魏朝不論人物時遵漢典或授兵書既而
夏癸昏縱商辛廢礼社稷鎮衛用明允而嬰職時宗
人譽由正直而亡身自宣武王違此淫濫公與時用
舍知命樂天達平仲徐行之音慕宣尼弦歌之德仰
逢六師西指五緯東攢火燭前殿兵臨作室公乃製
衣具沐將濟屯膏遠自郊門奉望鉞鉞賓客樂從者
數十百人中興元年霸府拔補寧朔將軍行南兖州

事遷輔國將軍監南兖州昔馬越之領游擊馬恬之典吳郡即此麾号皆用宗戚傳呼甚竈識者榮之加以密迹北門寄深闈柝殿人未狎四郊多壘藪澤遐曠逋竄所逃陳午擁衆於鄆山庾希竊發於海縣既外鄰戎境內患萑苻自獨夫弁常憑暴歲甚師之所屢加以荐飢公閑於殿乱善於因即政不悞弱濟維寬猛撫循莞幼鋤剪豪強州無滯積公無禁利莅官行法善政斯在惟皇建國品物咸亨舉功行賞各有分地封人設遺典命授圭封吳平縣開國侯食邑一千戶進授使持節督南北兖青冀四州諸軍事冠軍將軍南兖州刺史既同宗義之号且等去病之功爰

初徇地迄此作牧人無菜茹之勞官無芻秣之費先是王師北討戎帥捐戈天子命我受脤建節有詔龔行犀櫓不蔽武車綏旌九地靡韜其術棘門誓衆八陣咸盡其謀故以威讐隕霜化行絕漠者矣遭太夫人憂僉曰金革奪礼有為之且遵故實別詔敦勉公稱情立文以奉權制每一感慟飛走相趨時宮衛俟賢朝難其授諒湏才冠遙集識兼謀遠乃徵公為太子左衛率遷輔國將軍衛尉卿昔漢涓鉞期心資敘數之力魏選董昭纒求巡警之備公之此舉允膺掌卷何心不穀之清正玄成之文雅同日而語裁轉左驍騎將軍兼領軍將軍自延康改革任均盡獲直

以御史之印不易趙堯先零之舉無踰充國故超茲
河沛越此英盧枕是常均攝官而進今之樊漢昔之
關輔蓋惟軫牽之野仍為輿質之邦楚襄好會之所
劉牧郊天之地雖非甘泉密時實有伏鳧鳳鷄王業
所起家出將相漢臯之陽八命為重推轂之寄九牧
所先乃授公使持節督雍梁南北秦四州郢州之竟
陵司州之隋郡渚軍事信武將軍監鑿校尉雍州刺
史褻帷就道去襜為政廣脰遠視薦清貶濁惟來百
蠻悉為我用秦土不敢彎弓胡人不敢南牧駟介徒
兵日充王府師出以律遠無不懷徵右衛將軍石頭
戍軍事又授使持節督南北兗北徐青冀五州諸軍

事信武將軍南兗州刺史昔郝鑿再撫朱序重臨懸
牀尚存遺積猶在俗稟王濬之風人懷紉英之政厥
徂興滯還聞在昔徵為領軍將軍加侍中昔卞壺之
加常侍王劭之領納言虽並在中候彼有慙色遷安
右將軍監揚州并置佐吏即以茅為府于斯時也脩
學創田勉耕分祿不然官燭因蓄私縮朝野具瞻權
寄日重公常思損挹以避近親上優遊未許斬守弥
固乃出為使持節散騎常侍都督郢司霍三州諸軍
事安西將軍郢州刺史給鼓吹一部初存安竟陵大
牙虜界縛馬祖軍亟有竊發公移書告示虜即焚戍
保境風教如神万里清溢方當永贊隆平粵登三事

天厲不貳春秋冊七普通四年薨于位詔贈侍中
撫軍將軍儀同三司侯如故喪及舊堂路由皇邑親
降鑿蹕禮優詔葬某年葬于某郡縣之某山蓋曰忠
侯禮也公奉親不匱匹曾崇之莅昆季天倫深姜繆
之愛資忠履信席義枕仁從諫若轉圜用賢如猶已
佩觿之日則伏誦千周垂疑在年則懷書百遍風鑒
散朗吐屬淹華宮牆有仞莫窺其宇喜愠無形推見
其色遵養時晦栢攜以禮亟撫邊人屢董戎政玉門
之關仰其威洽金附之國梃其風猷每銜詔中都叅
聞三省朝有常刑每用中典人惟國本上能紀職廉
邦法而有平反坐嘉石而無骨怨知人善使自家刑

國筆硯皆有方略履履並得其才詭對造膝汗漠嘉
告函訪密奏手書毀草是以明主敬焉公既博聞強
記雅好詞屬坐朝餘暇臨臨末景壯凡塵之容延好
事之賓成誦在心祭言可詠名馳合浦以南譽滿交
河之北非夫純粹鍾義利物長仁孰能功叅五臣行
兼九德若此之盛者哉詩不云乎樂只君子邦家之
基其忠侯之謂矣故吏某等以為封墓佐溢衛斯晉
鍾皆古典也仰緣皇朝褒終之美謹遵敕文相質之
義可以奮乎百代永旌不朽乃為銘曰

顯允君子惟梁之睦綴食帝宗兼家皇封乃文乃武
乃明乃澍冠代羽儀如鴻在陸孝盡色難豈伊為養

亦有兄弟咸宗退濠州閤曰仁友朋稱諒聿求礼本
 言歸位尚用賦王門鳴弦下邑懷彼桐鄉令園已立
 否之匪人時屯勢急斜徑不行乱邦豈入受師億万
 商旅如林六奇王略十乱一心創制爰始天命斯謀
 奄有千室邦家是臨齊俗黍離餘風未更濟濕喉襟
 忠侯為政朱軒駟馬旗旄增暎恤獄問寃人骨繫詠
 徐戎叛援自昔不度授我齊斧清我朔邊蹕林蹶角
 遂掃穹甍人無怨讟師以勝旋乃司三秩遂掌八屯
 元戎式怒擢授便煩外數軍實内肅帝闡宗臣在位
 王室是尊秦中顯敞聞諸載藉虽假楚都事華前跡
 班宣條詔光今邁昔必則令典為教所擇淮海惟楊

是稱司赫胥矣中撫其儀逮逮威而不猛寬而有制
 三獨歸高十邦感惠蘇秦從說寔曰夏州巖城郛
 佐捷中游乃睠西顧惟賢是求去茲商洛樹彼徽猷
 降年何早曾不愁留皇情軫悼萌庶若袖輟春罷市
 痛我忠侯人道不遐令名長久矧伊樹德歸全砧手
 於穆嗣侯遺薪克負弄棊載德隆茲不朽神瑩既已
 日月有時桓、竈贈班礼台司我□文物哀以送之
 誰旌不朽□□□
 新

兖州都督胡延碑銘一首 并序 北齊魏收

若夫叅天兩地之尊承運據圉之貴降日貫月之積
 流星照電之感莫不叶道冥神應靈貽祉誕由內主

之訓克隆外戚之重是故城葦配徂聿興往載任姒
佐合寶前王魏肅宗明皇帝出自於我仍慕丕顯
餘福潛被大齊之家有万邦皇風之披攘九土增茂
範於重光振徽猷於昌曆武成皇帝造舟降礼忻合
當成願塗山而告徵遊洛上而投契家業崇於荆山
門徑深於委水王諱延字山安定臨涇人司空文貞
公之曾孫相國文宣公之孫中書監公之子今上之
外祖父也自卦呈觀否之体兆著媯姜之業蘊嘉氣
之精黑神物之澄非直山靈水伯降徑流沁雲感木
变効既開符達人賦命上善咸極君子克生中和必
惣虽性不可聞而心随物化符彩秀嚴温如和玉精

華映微爛若京雲一見眸子暫仰骨法嗟王郎之絕
倫許刘君之遠到遇師則學衆賢歸道來扣必應群
俊鑽堅加以律度清上風範玄曠在高而靡礙居深
而不阻對揚古今綱羅術藝極能事而孺然窮多方
以獨立名賢奇士先後同歸俗仰萱蘇時傾金壁魏
司空任城王声高望遠雅俗朝宗王屈迹觀人振衣
棓刺倒履降階果異常尋辟書仍降為叅軍事勅除
尚書右主客郎中應轉二千石右士二局舍握香蘭
趣伏墀屏覆衾題柱異目咸推仍除司空司馬加威
遠將軍行河内郡入涓金鉉出執竹符水玉載穆風
雨必致既而茵駢空沒攘桷云感慕動群物祭出非

時或絕漿半旬或去鹽厯載恩錫摩絮之衣沼喻強
食之礼起授尚書吏部郎中固辭數四終於奪情權
衡在手揚清激濁人地畢進草萊咸舉入轉給事黃
門侍郎遷散騎常侍領秦州大中二年敷奏歸高談議
推重刀尺所加共仰清裁拜七兵尚書從中書令竟
泉已漸鳳沼憎清轉侍中加樞軍將軍光祿大夫金
章紫綬復拜中書令温毳臨首鳴玉垂腰含章待問
格言獨遠加驃騎大將軍左光祿大夫仍除吏部尚
書持節北道行臺二千石已下便宜黜陟風馳万里
氣振百城庶平忻其布帛貪殘解其印綬復領秦涇
二州大中正出除使持節都督兗州諸軍事驃騎大

將軍兗州刺史更滿還朝復行梁州事奇政異迹遺
爰佐歌殫河未聞方傳故老以某年薨於位春秋若
干詔贈使持節都督涇州諸軍事大將軍涇州刺史
太府卿太常考行謚曰惠公以某年安厝於公所惟
王神府洞開靈鑿懸燭會百慮於常窳愆万籟於希
声形質有崖忘懷得喪機神不測與時用捨本立道
生自家聞因學優而仕振野光朝比高雲漢為羽儀
於日下並峻山岳佐瞻望於海內無惑奪魯龜之智
不言折楚客之辯理家抑蠹之氣立已遺赫之
名傾賢解駮趣士迎閣居後而更先持退而逾顯勞
如烈火可等華井之寒富同金穴能比太舟之散故

使鴻休景福終允臧禮遜齊紀榮起陰寶永惟盛
後之隆申以不常之典更贈假黃鉞使持節都督定
冀并瀛青趙滄齊涇濟梁兗十二州諸軍事驃騎大
將軍定州刺史左丞相太宰司徒公錄尚書事開府
儀同三司永昌郡開國公安定郡王爵尊域內望崇
天下未極棟宇之右方与陵谷同化所以衣冠長感
追仰芳塵故吏姓名等慕深拜泣式鶴琬珍敢作銘
曰

自媽作陳徙齊於秦河靈岳祐風声日新無競惟祿
在室称人羽伯歸鳳毛長宗麟代有盛後門應介祉
帝娶西陵王迎渭涘我聞天眷休命致止道邈外親

風高戚里官由後攀榮極人竟珪辟為瑞車服以庸
門交節鉞室列歌鍾匪先伊後更曰臣宗逮我嗣業
實弘休緒金声玉閨霞騫磁攀搏瓦抑揚承日容典
富輕齊魏貴薄梁楚克弼朝猷亦展王度万機增損
六條宣布素几云錫畫褰載露秦川逾仰荆市先慕
光景不息日往時來殊礼加數衰人告衰光前絕後
邈矣悠哉家賢崇構言婦八才朱表高臨青松上刺
峴山不殞樓氣方積式染

誰今誰昔

刊堅石茫々万古

文館詞林

文館詞林卷之五十七

文館詞林



卷之五十七

四百五十七



07704

十九

